

Tiwei Pol Kewisik Ken Mit Ne Wit Korin - 1

Menmen me tiwei ik

Pol katip hirak kitehi God ke mit ne wit Korin 1:1-9

Him me mit hir nenke hasini 1:10-4:21

Him me mit miyapir hir niriran nisesan 5:1-13

Menmen mit ne weiwik me God hir nanisesim 6:1-7:40

Him me mit ne ti netike mit ne weiwik me God 8:1-11:1

Him me menmen mit niriakem newenipi niuk eme God neit sios 11:2-14:40

Him me God kikiak Jisas ketike haiu mit ehau kikrek nirak 15:1-58

Him me kolekta mit ne Korin nanisiuwem mamno emit ne Judia 16:1-4

Pol katip menmen maain hirak kakriakem 16:5-12

Pol katip mit ne Korin him mirakru, him gude 16:13-24

1 ¹Hi Pol hi mitik aposel ke Jisas Krai. Nipaa God hanhan kewisa hi hire mitik aposel te hirak kehimitena hi hiriak menmen mirak. Hi Pol hetike kaiu yinak Sostenis, ²^ahawir mitikit wik wewis tiwei ik ken yi mit miyapir ne weiwik me God yi yau wit Korin. God kerekyi yi mit miyapir yaain yentar yi mit miyapir ne Krai Jisas keriyen. Yi yire mit miyapir ne God yentar God kehimiteni yi nirak. Mit miyapir nerer wit wit kerek newenipi niuk me Mitik Iuwe kaiu Jisas Krai, hir yaain. Jisas hirak Mitik Iuwe kir, hirak Mitik Iuwe kaiu. ³^bHi hanhan God Haai kaiu ketike Mitik Iuwe Jisas Krai, hirakit tatrekyi menmen yaaim, yi yayu werek werek.

Pol katip God kirak yaaik kentar hirak kikaap mit ne Korin nises him mirak

⁴Hekrit hekrit hi han kitet yi mit yiriak menmen yaaim te hi hatip God hirak yaaik kentar menmen im. Hirak epei kerekyi menmen yaaim mentar yi mit miyapir ne Krai Jisas. ⁵God epei keweti menmen mirak

^a 1:2 1Ko 6:11; Ap 9:14 ^b 1:3 Ro 1:7

yapirwe. Yi yetiwem nipaa Krai kewetiyem, te yi yertei him me God werek, yi yetpim yewepyapirem. ⁶Yi yeit menmen im yentar nipaa haiu man mewepiyapir him me Krai, yi yemtem te yi yisesim werek. ⁷Yi yisesim werek werek te God ap kaksawin menmen yaaim ham au. Hirak kewetiyem te yi yises han kirak werek werek, yi yemerir wi kerek Mitik kau luwe Jisas Krai pike kaknen kakwepyapir hirekes. ⁸Hirak God wen kakikepi ere maain wi Jisas Krai pike kaknen kakwepyapir hirekes te God ap kaktip yi enun au yi yaain. ⁹God kehimitenai haiu mit metike Nikan kirak Jisas Krai hirak Mitik kau luwe haiu mau han kiutip. God luwe ik hirak yaaik ap te kaktipin au. Hirak kakises him mirak kakikepi te yi eyi werek werek maain me wi eim.

Pol keneri hir nenke hasini

¹⁰Nai yinan, hi etpi him manp hekrehir ke Mitik luwe kau Jisas Krai. Yi eikiyan han kiutip eyu me menmen yaaim me God yi yiriakem. Yi ap te yayinke hasini au emit. Yi eikiyan han kiutip eyu me menmen yapirwe yi yiriakem. ¹¹Nai yinan, hi hetpi menmen im hentar mit han nau neit winak ke mite Klowi hir nan in netpo wi ham wi ham yi epei yenehan yentar menmen. ¹²Hi hemtau mit han ne yi mit yi yatip, "Haiu mises him me Pol." Mit han ne yi mit yi yatip, "Haiu mises him me Apolos." Mit han ne yi mit yi yatip, "Haiu mises him me Sifas." Mit han yi yatip, "Haiu mises him me Krai." ¹³Menmen yi yiriakem hiram meteikin Mitik Krai hirak kenke pinak pinak (o wik wik) a? Mekam, mit nipaa hir epei newenkika hi Pol hentar nu tentarakit hi haa me yi mit a? Nipaa mit nikri neriuwe tipar hir nekine niuk mai hi Pol te yi yire mit nai a? Taauye! Yi ne Krai Jisas.

¹⁴Hi ap hikir mit yapirwe ne yi mit au. Hi hikir Gaias ketike Krispas keretet. Hi han yaaik hi ap hikiri yi mit yapirwe. ¹⁵Te yi ap eitip haiu mit mises him me Pol me wi hirak kakrai keruwe tipar. ¹⁶O, hi han kaa. Hi epei hikir mitik Stefanas ketike mit na neit winak kirak. Hi han kaa te hi hikir neiyen o au. Hi han kitetim au. ¹⁷Krai hirak ap keruweta hi han te hi hikir mit miyapir neriuwe tipar au. Hirak keruweta hi han te hi hewepyapir him mirak yaaim. Hi ap hetpi him har ke mit hir nertei iuwe hir netpim te hi hari han ki heriuwerem te yi eyisesim au. Hi hinapen henip menmen Krai keriakem kentar nu tentarakit hiram mire menmen weinim te hiram ap mamkepi au.

^c 1:7 Lu 17:30; 2Te 1:7; Ta 2:13 ^d 1:8 Fl 1:6; 1Te 3:13, 5:23 ^e 1:9 1Jo 1:3; 1Ko 10:13; 1Te 5:24 ^f 1:10 Fl 2:2 ^g 1:12 1Ko 3:4; Ap 18:24-28; Jo 1:42 ^h 1:14 Ap 18:8; Ro 16:23
ⁱ 1:16 1Ko 16:15 ^j 1:17 Mt 28:19; Jo 4:2

Menmen Krai kirkem kentar nu tentarakit keteiknai God hirak iuwe

¹⁸ ^kHir mit miyapir kerek nanino nanikre si tatikneni hir natip him me Jisas hirak kaa kentar nu tentarakit hiram menmen weinim. Te haiu mit miyapir kerek God kekepai ketaihis, haiu matip him me Krai hirak kaa kentar nu tentarakit, hiram menmen iuwe God kirkem. ¹⁹ ^lHaiu mertei him im hiram yaaim mentar nipaa mitik profet kewis him me God mau tiwei metpim mar im:

“Hi tewen ahiwaank han ke mit kerek hir newenipi hiras hir natip, ‘Haiu mertei menmen yapirwe.’ Hi ahiwaank han ke mit han kerek hir natip, ‘Haiu hiras mertei menmen yaaim.’ ” ²⁰ ^mTe mit kerek natip haiu mertei menmen yapirwe hir ap nire God au. Hir mit enun weinin keriyen. Mit kerek nertei him lo hir newisim mau tiwei ham hir ap nire God au. Hir mit enun weinin keriyen. Mit nau ti in ek kerek netike mit han hir netpepan menmen hir ap nire God au. Hir mit enun weinin keriyen. Hir yapirwe hir mit enun weinin nentar God epei keteiknai menmen mit nau ti hir nirkem nises han kir God katip hiram menmen enun weinim.

²¹ ⁿGod hirak kertei menmen iuwe han kitet hirak kaknip mit nau ti hir ap nanirteiyek nanriuwe han kir weinin taau. Hirak hanhan kakikaap mit miyapir han hir nanirteiyek werek nanriuwe him yaaim im mit han ne ti natip hiram enun weinin, haiu mewepyapirem. ²² ^oMit miyapir ne Isrel hir natip, “Haiu memtau him mi haiu mamisesim te yi eyinin eiteiknai menmen yaaim te haiu mamirtei God keriuweti yi yan yetpai him im.” Mit han ne weiwik me Grik hir natip, “Haiu mit keriyen haiu hanhan te yi eiwepyapir menmen yapirwe te haiu emises him mi.” ²³ ^pTe haiu mit aposel au. Haiu mewepyapir him me Krai kerek mit newenkekik kau nu tentarakit. Te him maiu im menip mit ne Isrel han enuk, hiram menip mit ne Grik hir natip him im hiram enun weinin. ²⁴ ^qHir natip him im hiram weinin te haiu mit ne Isrel metike mit ne Grik kerek God kari han kaiu, haiu mises him mirak, haiu matip Krai keriuwe menmen hirak kirkem hirak keteikin mit menmen iuwe me God, hirak keteiknor hirak kinin kertei menmen yapirwe. ²⁵ ^rMit han hir natip hir nertei menmen iuwe te hir natip menmen God kerteiyem hiram weinin. Au, God kinin kertei menmen yapirwe. Mit han hir natip nire mit iuwe te hir natip God hirak kire menmen weinin. Au God hirak wisenuk kirkem menmen minin menmen yapirwe.

^k 1:18 2Ko 4:3; Ro 1:16 ^l 1:19 Ais 29:14 ^m 1:20 Ais 19:12, 33:18, 44:25; Jop 12:17

ⁿ 1:21 Mt 11:25 ^o 1:22 Mt 12:38; Ap 17:18, 32 ^p 1:23 Ro 9:32; 1Ko 2:14 ^q 1:24 Kl 2:3

^r 1:25 2Ko 13:4

²⁶⁠Nai yinan, yi han ekitet yi yire mekam me wi nipaa God kari han ki yi yisesik. Yi mit han yapirwe yi yire mit iuwe o yi yertei menmen mit nau ti hir natip hiram yaaim? ²⁷Au, yi niutip niutip keriyen. God kehimitenai haiu nirak kerek mit ne ti hir natip haiu enun weinin. God kehimitenai haiu mit weinin te haiu mamriak mit ne ti kerek han kitet hir nertei iuwe hir yink enuk. God kiriak menmen im te haiu mit weinin mamriak mit ne ti hir mit niuk iuwe hir yink enuk. God ap kehimiteni hir nirak. ²⁸God kari han ke mit miyapir hir ap ne weiwik iuwe hir nisesik. Mit nau ti hir ninan yipir newirek natip hir mit enun weinin, te God kekepi keriuwe menmen hirak kerekoyem hir niriak mit kerek han kitet hir ne weiwik iuwe, hir yink enuk God ap kehimiteni hir nirak au. ²⁹⁠God kiriak menmen im te maain ap te mitik kei kiutip kakirp ninaan me God hirak kaktip mitik iuwe taau. ³⁰⁠Haiu mit naitu ne Krai Jisas mentar menmen God kerekoyem. God kehimitanek hirak keteiknai God kinin kertei menmen yapirwe. Hirak kerekek kekepai te God katip haiu mit yaain. God kehimitanek hirak kerekoyei haiu mire mit yaain, hirak kesiupenai me menmen enum kekepai kaktaihis mamno wit ke God. ³¹⁠God hirak nepei kiriak menmen mar im te him mekre tiwei me God mit profet newisim hiram mamnen. Menmen im matip, “Mit kerek hir hanhan nanwenipi niuk mir, hir au nanwenipi niuk me God me menmen hirak kerekoyem.”

Pol katip him me Krai hirak kaa kentar nu tentarakit

2 ¹⁠Nai yinan, nipaa hi han hiri yi mit miyapir, hi hetpi God him mirak yaaim, hi ap atip heriuwe him me mit iuwe nertei menmen iuwe me ti au. ²⁠Hi hekre han kai hi han kitet hi ap te etpi menmen ham au. Hi etpi him me Jisas Krai kerekek hirak kaa kentar nu tentarakit kekepai haiu mit. ³⁠Wi nipaa hi hau hetikewi hi ap hetpi har ke mitik iuwe au. Hi hinaain hewaank him me God te hi hepripir. ⁴⁠Hi hetpi hewepiyapir him mai, hi ap te hetpi heriuwe him yaaim me mit iuwe nertei menmen te hi hari han ki keriuwerem au. God Himin Yaaik kirak keteikni him hi hetpiyem hiram yaaim. Hirak kiriakem keriuwe menmen iuwe hirak kekepa hi hiriakem me yi mit miyapir. ⁵⁠Hirak kiriak menmen im te yi yertei hiram ap him weinin me mit hir natip hir iuwe keriyen au. Hiram menmen iuwe me God te yi yisesim.

God Himin Yaaik kekepai haiu mertei menmen mirak

⁶⁠Me wi hi hetike mit aposel han haiu mau ninin ke mit, hir nertei menmen me God werek werek, haiu matip him yaaim mire mit iuwe.

⁠ ^{1:26} Mt 11:25; Jo 7:48; Je 2:1-5 ^{1:29} Ro 3:27; Ef 2:9 ^{1:30} Jer 23:5-6; Jo 17:19; 2Ko 5:21 ^{1:31} Jer 9:24; 2Ko 10:17 ^{2:1} 1Ko 1:17 ^{2:2} Ga 6:14 ^{2:3} Ap 18:9; 2Ko 10:1
^{2:4} 1Te 1:5 ^{2:6} Ef 4:13; Fl 3:15

Him mai hiram ap him me mit iuwe nau ti ik hir naanmiprai haiu mit au. Hir nantike him mir maain naniwaank nanit. ^{7b}Te menmen hi hetpiyem, hiram menmen nipaa God kisawinem. Nipaa hirak ap kiriak ti ketike nepni wen au, hirak han kitet kakikepai haiu mit haiu mamu mamtikerek mamit menmen mirak yaaim, te hi hetpim. ^{8c}Ap te mitik kei kiutip ke mit iuwe hir nau ti naanmiprai haiu mit, hir nertei menmen im me God au. Hir nerteiyem te nipaa hir ap te nanit Mitik Iuwe kaiu Jisas ke wit ke God, hir nanwenkekik kaku nu tentarakit hirak kaki taau. ^{9d}Te in ek haiu mertei him nipaa ein mit profet hir newisim mau tiwei me God hiram yaaim. Hiram matip,

“God epei kiriak menmen yaaim me mit miyapir kerek hanhan God hir nanisesik.

Menmen im mit miyapir ap nirem, hir ap nemtewem, hir ap han kitet hiram mepu au.” ^{10e}God epei keteiknai menmen im hirak kiriakem keriuwe Himin kirak Yaaik. God Himin Yaaik kir menmen yapirwe. Hirak kertei menmen mau mekre han ke God Haai. ^{11f}Mitik keimin kertei menmen mitik hak han kitetim a? Au, mitik hirekes himin kirak kerteiyem kerekek. Mar im, mit hir ap nertei menmen mekre han ke God au. God Himin Yaaik kerekek kerteiyem kewepaiyapirem. ^{12g}God ap kewetai haiu mit himin ke kertei menmen me ti keremem au. Hirak kewetai Himin kirak kau ketikerek te haiu mamirtei menmen yaaim God epei kerekiyeiyem weinim.

^{13h}Haiu matip menmen im God kiriakem te haiu ap matip meriuwe him mit ne ti nepei netpaiyem haiu misesim au. Haiu matip meriuwe him God Himin Yaaik ketpaiyem. Haiu mewepyapirem matip mit kerek God Himin Yaaik kewi haiu metporem. ¹⁴ⁱMit miyapir kerek God Himin Yaaik ap te kau kekere han kir, hir hekrit hekrit neweikin sip newet God him mirak nentar hir nepei natip hiram enum weinim. Hir ap nemtau him mirak han kitetim nentar God Himin Yaaik ap kewi kekepi hir nerteiyem au. ^{15j}Mit miyapir kerek God Himin Yaaik kau kekere han kir, hir nemtau han kitet menmen yapirwe me God. Te mit han kerek God Himin Yaaik ap kau kekere han kir hir ap nertei werek han ke mit kerek God Himin Yaaik kau kekreri taau. Te hir nepitari menmen me God.

^{16k}Haiu mertei him im hiram yaaim mentar nipaa mit profet hir newisim mau tiwei me God hiram matip,

“Mitik kei kiutip ke mit yapirwe ap kertei menmen God han kitetim au.

^b 2:7 Ro 16:25; Kl 1:26 ^c 2:8 Lu 23:34; Je 2:1 ^d 2:9 Ais 64:4 ^e 2:10 Mt 13:11

^f 2:11 Pro 20:27 ^g 2:12 Jo 16:13-14 ^h 2:13 1Ko 2:4 ⁱ 2:14 Jo 8:47, 14:17; 1Ko 1:23

^j 2:15 1Jo 2:20 ^k 2:16 Ais 40:13; Ro 11:34

Hirak ap te kaktip God menmen kakikepik kakriuwerem taau.” Him im hiram yaaim, te haiu mit nirak han kitet me menmen im me God mar ke Kraiss hirekes han kitetim.

Pol kene mit miyapir neit Korin kentar hir nenke hasini

3 ¹Nai yinan, nipaa hi hau hetikewi hi ap hetpi heriuwe him hi atip mit kerek God Himin Yaaik kau kekrek han kir au. Yi yire nikerek ne God te hi hetpi heriuwe him hi atip mit ap God Himin Yaaik kau kekrek han kir hentar yi yire nikerek me menmen Kraiss keteikin mit em hir enisesim. ²Menmen hi nepei hetpiyem hiram mire nim. Him mai hiram ap mire menmen mit miyapir iuwe nanim mentar han ki ap kitet him yaaim im werek werek au. Nipaa ere in yi yarek yarek. ³Yi ap han kitet him yaaim im werek werek wen au yentar yi yises han ki ke nipaa ein. Hi hertei menmen im hentar yi yetike ni yinan yi hemkre menepam menmen yenehan yenterim. Te hi hertei yi wen yises han ki ke nipaa yar ke mit enun God Himin Yaaik ap kau kekrek han kir au. ⁴Hi hetpi menmen im hentar yi mit yenke hasini. Mit han pinan ne yi mit yi yatip, “Haiu mises him me Pol.” Mit han en natip, “Haiu mises him me Apolos.” Menmen im meteikno yi yises han ki ke nipaa ein yar ke mit God Himin Yaaik kau kekrek au.

⁵Yi yenmak yi yenke hasini me hi hetike Apolos a? Yi han kitet Apolos hirak Mitik luwe kire Kraiss a? Yi han kitet hi Pol hi Mitik luwe hipre Kraiss a? Au! Hawir mitikit weinikit hawir wiriak menmen war ke God kehimitenai haiu mit niutip niutip miriakem. Hawir wiriak menmen me God, God kekepi yi yises him mirak keremem. ⁶Hi hinin han hewepyapir him yaaim me God har ke mitik kamir rais yehes mau ni. Maain Apolos kan kisisa ketpi him meiyam me God. Menmen hirak kiriakem hiram mar ke mitik hirak keit tipar keyim ken kewenem kempep. Mar im God hirak kenipem mewe, te hirak kikaap him mirak men mekre han ki. ⁷Mit kerek ninin nan netpi me God hir nar ke mit namir rais yehes, hir mit weinin keriyen. Mit kerek nikaru nan netpi him ham yaaim hir nar ke mit newen tipar nempep, hir mit weinin keriyen. God kerek hirak luwe kentar hirak kenipem hiram mau mekre han ki mamkepi yi yisesim werek werek. ⁸Mit kerek ninin newepyapir him me God hir nar ke mit namir rais yehes. Mit han nikaru newepyapir him me God nar ke mit newen tipar nempep. Menmen hir niriakem hiram mipiram. Maain God kakwet mit menmen miutip miutip mamrer menmen yaaim hir miriakem. ⁹Hawir wetike God haiu miriak menmen miutip. Yi mit yi yire ni God kamir rais yehes mekrerem o yi yire winak hirak kimaak. Te yi ap ne Apolos o hi Pol au. Yi ne God keriyen.

¹ 3:1 Jo 6:12 ² 3:2 Hi 5:12-13; 1Pi 2:2 ³ 3:3 1Ko 1:10-11, 11:18 ⁴ 3:4 1Ko 1:12
⁵ 3:6 Ap 18:4, 11, 19:1 ⁶ 3:9 Mt 13:3-9; Ef 2:20-22

Mitik kewepyapir him me God hirak kire hirak kime winak

¹⁰Hi hire mitik hi hertei werek hime winak mei yapirwe. Wi nipaa hi han yi mit, God kekepa hi hewepyapir him mirak. Menmen hi hiriakem mekre nimin ke yi mit hiram mar ke hi hemiun teinik me winak. Mit han nepnen netpi him ham yaaim me God hir niriak menmen mar ke mit nime winak kentar teinik hi epei hekin hei yem hamir. Yi mit yi naanempre hiras me menmen yi yiriakem mises menmen hi epei hetpiyem. ¹¹Hi hewepyapir him me Jisas kraismen yi mit, yi yisesik te hirak kerek kekepi yisesik iuwe yar ke teinik mikaap winak minanek hirak kerp. ¹²Hi hetpi yi mit kerek yiriak menmen me God. Mit han ne yi mit yi yiriak menmen yaaim. Menmen im hiram mar ke yi yime winak yaaik yesisiwem yeriuwe menmen yaaim gol, silva o nan yaaim. Mit han ne yi mit kerek yiriak menmen me God te yi ap yiriakem werek werek yi yar ke mit nime winak enum yeriuwe menmen enum mire nu yipep mamip o hinaan tiwei o nepipe maa. ¹³Maain wi God skelim haiu mit miyapir, menmen yi yiriakem me God hiram mamwepyapir hiremes hiram yaaim o au enum mar ke nepipe maa. Me wi im si mamnen si mamitnen mamim menmen mamteikin menmen mar im: Mit hir niriak menmen yaaim me God hiram mamu mamit. Si ap te mamim au. ¹⁴Menmen mit hir niriakem me God hiram yaaim si ap te mamim au. Maain God kakwetir menmen yaaim mamrerim. ¹⁵Te menmen mit hir niriakem me God hiram enum si tatim tatnepim, God ap te kakwetir menmen mamrerim taau. Hir nani au, God kakikepi kaktorhis nanu nantikerek kakir ke mitik si taak winak kirak hirak kesiuknen ken nimin kekotit mite nikerek keriyei keru ketpaan ken witeik.

Haiu mit miyapir ne God haiu mire winak yaaik God kau kekrekek

¹⁶Yi mit miyapir yi han kaa yi yire winak yaaik ke God a? God Himin Yaaik kan kau kekere han ki. ¹⁷Mit kerek hir naniwaank winak eik ke God, maain God hirak kakiwaank mit in kentar winak kirak hirak yaaik. Yi hiras yi yire winak kirak keriyen. Te yi naanempre han ki te yi yiriak enum au, yi eiyinke hasini au. Yi eikiyan eiyu niutip.

Haiu ap mamwenipi niuk me mitik hak au.

¹⁸Yi ap eiwises hiras me menmen yi han kitetim hiram yaaim. Mitik kei kiutip kekere nimin ke yi mit han kitet hirak mitik iuwe, hirak kertei iuwe, hirak ekweikin sip ekwet menmen im me ti. Hirak kakriak menmen im te mit ne ti nantip hirak mitik enuk ketaritari han ken sip. Hirak kiriak menmen im te God kaktip mitik ik hirak yaaik hirak iuwe. ¹⁹Hirak ekriak menmen im ekintar menmen mit ap nises God hir han

^r 3:10 1Ko 15:10; 2Pi 3:15 ^s 3:11 Ais 28:16; 1Pi 2:4-6 ^t 3:13 1Ko 4:5; 2Te 1:7-10

^u 3:16 1Ko 6:19; 2Ko 6:16 ^v 3:19 Jop 5:13

kitet hiram menmen iuwe, God katip hiram menmen enum weinim. Him me God mekre tiwei nipaa mitik Jop hirak kewisim hiram matip God kewaank mit kerek hir han kitet hir iuwe, hirak kewaanki keriuwe menmen hir han kitet hiram yaaim, hirak kerekyorem kar ke mitik kenep sak kekre hei hirak kiwapinem keriuwe haak heneik o nu tiwei. ²⁰ *Mitik hak kewis him mau tiwei me God mit nekinaak Sam, hirak kewis him mei matip: "Menmen mit ne ti kerek ap nises God hir han kitet hiram iuwe, God katip hiram menmen enum weinim." ²¹ Te yi ap eiwenipi niuk me haiu mit me menmen yaaim me God haiu meteikniyem. Yi eiwenipi God kerekek me menmen yapirwe hirak kakihimitanem mamkaap yi mit. ²² Hi Pol, hirak Apolos, hirak Sifas haiu metike menmen yapirwe mau ti o nepni, menmen mamkepi yi yepu, o wit yaaik yaino ein wi yi yayi, menmen in ek mepu, menmen te maain mamu, hiram menmen yapirwe God kehimitanem hiram mamkepi. ²³ Yi yire mit ne Krai Jisas. Krai Jisas keke wit ke God kan yi mit kiriak menmen mirak, te God kakweti menmen im menterik.

Mitik Iuwe God skelim mit nirak nerekyiwek wok mirak

4 ¹ *Yi mit han ekitet me haiu mit mewepyapir him me God mar ik. Haiu miriak menmen me Krai, haiu naanempre menmen yaaim God han kitetim te haiu mewet mit em. ² *Yi yapirwe yertei menmen im mit nipriakem. Mitik Iuwe kinkatin mit kerek hirak kertei hir naanmamre menmen mirak werek werek, hirak kehimiteni hir nanriakem. ³ Mar im hi hekre han kai ap han kitet yi mit ne weiwik me God o mit han ap nises him me God yi han ekiteta skelim hi me hi naanmipre him me God werek werek o au. Hiram menmen weinim. Hi hire mitik kerekek, te hi ap skelim hirekes taau. ⁴ *Hi hepitari nipaa hi han hatip mit him me God, hi herekyi yaaim o hi han kaa hetpi menmen. Menmen im mekre han ki o mekre han kai hiram ap meteikin mit hi herekyi menmen yaaim keremem au. Hi han kitet hi hiriak menmen yaaim te Mitik Iuwe God kerekek han ekitet o skelim menmen hi hiriakem. ⁵ *Te yi ap skelim mit miyapir me menmen hir niriak God em au emit! Yi yemerir ere maain Mitik Iuwe pike kaknen. Me wi im, hirak kakwepyapir menmen hiram misawin mekre han ke mit, menmen hir hanhanem mekre han kir hir nanriakem. Te God kakwetir menmen yaaim o menmen enum hir niriakem mamrerim.

Mit ne wit Korin hir newenipi niuk mir han kitet hir mit iuwe

⁶ *Nai yinan, hi epei hatip him im me hi hetike Apolos te yi yertei werek werek menmen hawir wiriakem weteikniyem. Hiram menmen im: Yi ap

^w 3:20 Sam 94:11 ^x 4:1 Ta 1:7 ^y 4:2 Lu 12:42 ^z 4:4 Sam 143:2 ^a 4:5 1Ko 3:8

^b 4:6 Ro 12:3

eiweikin sip eiwet him me God. Yi ap han ekitet mit han hir iuwe, yi ap einan yipir eiwirek han ekitet mit han en hir enun weinin. ^{7c}Yi ap eiriak menmen im au emit! Keimin kerek yi yinin mit han a? Taau! God kerek epei keweti menmen yapirwe yi yisesim yetenenim, te yi yenmak yi yatip yi hiras yiriak menmen yaaim yeriuwe menmen mi iuwe a? Hiram enum emit!

^{8d}Yi mit miyapir yapirwe ne Korin han kitet yi epei yeit menmen me God werewek. Yi han kitet yi epei yeit menmen God kewet mit em te yi yire mit iuwe yinin mit han, te haiu mit aposel au a? Taau! Yi ap iuwe au, te hi hanhan yi eire mit iuwe te yi eikepai haiu mit emtikewi te haiu yapirwe mamre mit iuwe. ^{9e}Hi han kitet God hirak kehimitenei haiu mit aposel haiu emriak menmen mirak te mit han kitet haiu mikaru. Haiu mire mit kerek mit ne gavman hir newisai mekre winak enuk netpai nar ik: “Yi yire mit enun haiu mamiwep yi yayi.” Haiu mit aposel mire mit kerek mit miyapir nau ti hir netike mit ensel neit wit ke God hir nerp nirapirei, haiu mar ke mit miriak menmen me God, mit newep yink kewewei. ^{10f}Mit han ne ti hir natip menmen me haiu mit aposel mar im: “Yi mit enun yi yetari menmen, yi keriyen yewepyapir him me Krai.” Hir netpai him mar im, te yi han kitet yi hiras yi yaain yi ne Krai.” Hir netpai im, te yi han kitet yi hiras yi yaain yentar yi ne Krai. Mit han ne ti hir natip haiu aposel haiu mit enun weinin. Hir netpai him mar im, te yi han kitet God katip yi mit iuwe. Mit han ne ti hir nineinai ninan yipir newirek, te yi han kitet hir newenipi niuk mi a? taauye!

^{11g}Nipaa ere in haiu mit aposel miriak menmen me God haiu mepu enum. Haiu nippi mewe ap maam tipar o menmen werewek au. Haiu ap mamir laplap o klos mei yaaim au. Mit ne ti hir neit nippin newep neriuwerem nentar haiu mewepyapir him me God. Haiu wit aurei mentar haiu men in men ein mewepyapir him me God. ^{12h}Haiu miriak wok meriuwe his maiu te haiu naanmipre hiras me menmen. Wi kerek mit miyapir nereitauwin, haiu ap metpor enum au. Haiu metpor menmen yaaim. Wi hir nerekyei enum, haiu mewisi hir nerekyeyem ap merekyor enum au. ¹³ⁱWi kerek mit nenei neswei him, haiu metpor him main main mamkepi hir nanises him me God. Mit miyapir ne ti hir han kitet hiu mit aposel haiu enun mar ke menmen enum heriyai mit newirem men teipe wenut eim. Nipaa ere in hir han kitetei mar im.

Pol kitehi mit miyapir ne Korin hir nanises menmen hirak kiriakem

¹⁴Hi ap hewis tiwei im eiyim hetpi yi yiriak enum keremem te hi henipi yi yink enuk au. Hi hewisim te hi hewirnak hekteni henteri yi yire nikerek nai hi hanhan heriuwi. ^{15j}Mit yapirwe hir naninen nanitpi him me Jisas Krai,

^c 4:7 Ro 12:6 ^d 4:8 Rev 3:17, 21 ^e 4:9 Ro 8:36; Hi 10:33 ^f 4:10 1Ko 3:18 ^g 4:11 2Ko 11:23-27 ^h 4:12 Ap 18:3; 1Ko 9:14-15; 2Te 3:8; Sam 109:28; Mt 5:44 ⁱ 4:13 Kra 3:45 ^j 4:15 Ga 4:19

hir ap nanre haairer ni au. Hi kiutip hire haai ki kerekek hentar yi yinin yises him me God me wi nipaa hi hinin han hetpi him yaaim me Jisas kraiss. ¹⁶^kTe hi hetpi him manp, yi eiyises menmen hi hiriakem. ¹⁷^Hi hire haai ki hi han kiteti, te hi heriuwet Timoti hirak ken yi mit te hirak kakikepi yi eiriak menmen hi epei hetpiyem. Timoti hirak kire nikan kai hi hanhan heriuwerek hentar hi hari han kirak hekepek hirak kises him me God werrek. Hirak mitik yaaik kises him mirak. Hirak pike kaktip kakikekyi han ki me menmen hi hisesim me wi kerek hi hiriak menmen me God. Hi ewepyapir menmen im merer wit wit atip mit miyapir kerek nises him me God hi hetporem.

¹⁸^Mit han ne yi mit hir han kitet hir mit iuwe te hir natip hi ap hanhani pike anen ari yi mit au. Te hir nari han ki neriuwe him im, te yi eiweikin sip eiwet him mai. ¹⁹^mTe hi hetpi. Mitik Iuwe God hanhan te hi anen ari yi mit, te menep hi anen. Hi anen te hi ap hemtau him me mit in hir han kitet hir mit iuwe. Hi anen ari hir niriak menmen God hirak kekepi keriuwe menmen mirak o au. ²⁰ⁿHaiu mertei menmen God kerekyei haiu mit miriakem hiram ap me him enum weinim wise tipar o mewisesik au. Hiram menmen iuwe me God kerekek mekepai. Mar im haiu mamirtei hir nekepi o hir mit enun wise tipar. ²¹^Yi han han mekam? Yi hanhan wi kerek hi anen hi eiwep erekeyi enum eiypantar yi ap eiyises him mai, o au en, yi hanhan hi anen arekeyi menmen yaaim hanhani eiypantar yi epei yemtau him mai yi yisesim. Yi han ekitet menmen yi yiriakem, yi eiweikin sip eiwetiwem te maain hi anen hi han yaaik eriuwerem.

Him me mitik keit mite pe haai kirak keit wit Korin

5 ¹^oHi hemtau mit han nan in hir netpi nisesi nanre yi mit ne God ein yi yiriak enum. Hir nir mite piutip pe mitik hak hire wiriak enum wepu wetike mitik hak. Hir wik niriak menmen enum kerek mit ap nises him me God hir ninapen nanisesim. Mitik iuwe kiutip kekere nimin ke yi mit epei keit mite ip pe haai kirak, hirak kiwaai ketikerep hir neitan. ²^Te yi yenmak yi han kitet God kaktip yi yaain a? Taauye! Yi yink enuk eiriuwe menmen im yi han ekitetik yi eikitek, yi eiypir mitik ik kerek kiriak menmen enum hirak eknopin eikeipni.

³^pHi ap hepu hetikewi au, te hi han kiteti. Hi epei han kitet mekam hi ariakem. Hi ekrehir ke Mitik Iuwe Jisas Kraiss, hi hetpi menmen hi ariak mitik ik em, kerek kiriak menmen im enum. Hi hetpi har ke hi hetikewi haiu mepu. ⁴^qHi han kitet menmen im. Maain yi eirerik eiyou wit kiutip eiwenipi niuk me God, hi han kiteti wi yi eirerik eiriak menmen im. Hiram mamir ke hi hahu etikewi te menmen iuwe me Mitik Iuwe kaiu

^k 4:16 1Ko 11:1; Fl 3:17; 1Te 1:6 ^l 4:17 Ap 19:22 ^m 4:19 Ap 18:21 ⁿ 4:20 1Ko 2:4
^o 5:1 Lev 18:7-8; Diu 22:30, 27:20 ^p 5:3 Kl 2:5 ^q 5:4 Mt 16:19; 2Ko 13:10

Jisas mamu mamtikewai. ⁵Hi hetpi me wi im, yi eiyipir mitik ik eknopin ekiyeipni, hirak kire hirak kakno his me Seten hirak kakiwaank yink kirak te God kakikaap himin kirak kaktiwekhis me wi Mitik Iuwe Jisas pike kaknen.

Mit ne Korin nanipir mitik enuk kiriak enum kaknopin

⁶Hiram enum te hi han kitet yi yaain te yi han yaaik yewis menmen im enum mekre nimin ke yi mit. Yi han kitet menmen im. Sak haak kerek ke wapik (o kewekwaai) hiram menmen kike, te hiram mamiwaank sak naan mirak mit ap te nanim taau. Hir nanwirem mamno mamikre hei mamit. Yi eiwis menmen enum mar ke mitik ik kiriakem, maain mit han nanisesim naniwaank hiras nanit. ⁷Au emit! Yi eiyipir menmen enum im mekre nimin ke yi mit emno. Hiram enum mamiwaank himin ki mamir ke sak haak kerek ke wapik (o kewekwaai) kewep keneises sak naan. Yi eiyipir menmen enum im emno te yi eire sak naan yaaim. Yi eiriak menmen im eiyintar yi mit yaain. Yi eiriak menmen im eiyintar Krai hirak kewepwar hirekes kewis mit hir newenkekik kau nu tentarakit kaa kire sipsip kau kinaan te hirak kakisak menmen enum haiu mit miriakem. ⁸Te haiu emweikin sip emwet menmen enum haiu miriakem hiram emno. Haiu menmen im hiram emno te hiram mar ke menmen mit ne Juda niriakem. Nipaa hir newir yis men witeik ap newisim mekre bret mir. Menmen im mehimiteni hir neweikin sip newet menmen enum me wi Pasova. Haiu mamriak menmen im mamweikin sip emwet menmen enum te haiu mit yaain, haiu ap mamtip wise tipar au. Him yaaim keremem.

⁹Nipaa hi hewisi tiwei ham hi hetpi yi ap eiyises mit kerek hir netike miyapir nariyanhis neweninem au emit. ¹⁰Hi ap hetpi einopin ekiyeipin mit miyapir ne ti hir ap nises God. Hir niriak menmen mar im: Hir nariyanhis neweninem o hir hemkre menepam me menmen, hir nekintip menmen me mit han, hir newenipi niuk me tipir. Au, mit miyapir narik nepu nerer wit wit te yi ap yainaiwiri ere maain yi yayi yainaiwir ti ik. ¹¹Mit in taau. Hi nipaa hewisi tiwei hi hetpi menmen im. Yi ap eiyises mit kerek natip, "Haiu mises him me Krai," te yi yiri hir niriak menmen enum mar im. Hir netike miyapir niriran o nariyanhis neweninem, hir hemkre menepam neriuwe menmen, hir wi ham nitehi tipir mamkepi te hir newenipi niuk mir, hir natip enum nesiuwe him mit han, hir naam tipar si enum ere hir netaritari menmen, hir nekintip menmen me mit han. Hi hetpi yi ap eiwepnak eiyim menmen eitike mit nar ik mei kike au emit!

^r 5:5 1Ti 1:20; 1Pi 4:6 ^s 5:6 Ga 5:9 ^t 5:7 Eks 12:21; 13:7; Ais 53:7; 1Pi 1:19 ^u 5:8 Eks 12:16-20; Diu 16:3 ^v 5:9 Mt 18:17; 2Te 3:14 ^w 5:11 2Te 3:6; Ta 3:10; 2Jo 10

12-13^x ʔMekam? Haiu mit han ekitet menmen mit han hir ap ne weiwik me God niriakem a? Taaue! Hiram menmen me God kerekek. Haiu au. Haiu han ekitet menmen mit miyapir kerek ne weiwik me God neit wit kaiu niriakem keriyen. Him me God nipaa Moses kewisim mau tiwei matip menmen hi epei hetpiyem. Hiram im: “Yi eiyipir mitik enuk kekre nimin ke yi mit eknopin ekikeipni.”

Mit kerek nises him me God ap nanri nir yinan nanino kot au emit

6 ¹Me wi kerek mitik kei kiutip kekre nimin ke yi mit hirak han enuk kakri kirak yinak tatno kot, yi yenmak yi yewisik hirak ken kesiuwe him kirak yinak kenerek keit ninaan me mit ne gavman ap nises him me God a? Au emit! Hirak ekinin ekno mit kerek yises him me God yi eiyimtau him mirak te yi han ekitetim ere werek te hirakit etkiyakit etu. ²ʔYi han ekitet menmen im. Haiu mit miyapir ne God, hirak kekepai haiu iuwe te maain haiu han ekitet (o skelim) hir mit miyapir kerek ninin naanmipre mit miyapir nau ti ik. Maain yi skelim mit miyapir nau ti ik, te in ek yi yertei werek yi skelim menmen kike im mekre nimin ke yi mit. ³Yi han ekitet menmen im. Maain haiu skelim mit ensel te ik ek haiu han ekitet haiu yaain te haiu skelim menmen mekre nimin ke haiu mit hiras. ⁴Mitik hak han enuk keriuwe kirak yinak, yi yenmak te yi eiwisikit tatno tatirp ninaan me mit yi yertei hir enun ap ne weiwik me God tesiwor him a? Au emit. ⁵Hi hewis him tokim mekre tiwei ik ken yi mit miyapir te yi yink enuk yeriuwerem. Mekam! Ap te mitik kei kiutip kekre nimin ke yi mit hirak ap te han ekitet menmen yaaim werek werek kakikepi yi eikiyan eiyu eiyit au a? ⁶Mar im au. Mit han nekre nimin ke yi mit hir han enuk nari nir yinan nises him me God hir neri nen nanirp ninaan me mit ap nises God au neswor him, te hir nankepi nankiyan nanit.

⁷aMenmen im yi yiriakem hiram minini meriwaank han ki. Yi yetike ni yinan yesiuwehan him, te yi ap eikiyan eiyu han kiutip au. Ni yinan hir nerekyi enu te yi eino kot au emit. Me wi ni yinan hir nekintip menmen mi, yi ap eino kot au emit! ⁸Te yi ap yiriak menmen im au. Yi yerekyor enum yesiwor him. Yi yiriak menmen ham enum im yi yekintip menmen me ni yinan kerek hir netikewi yi yises him me God.

⁹bYi han ekitet menmen im. Mit miyapir kerek enun ap te nanino wit kerek God naanmipre mit miyapir yaain taau. Yi ap han ekitet mit enun nanino nanu nantike God au a? Yi han ekitet hir enun nanino wit kirak te yi yemipin hiras me menmen im. Mit kerek netike miyapir niriran, o newenipi niuk me tipir, o niwaai netike miyapir ne mit han, o mit

^x 5:12 Mk 4:11 ^y 5:13 Diu 13:5, 17:7, 22:24 ^z 6:2 Rev 3:21 ^a 6:7 Mt 5:39; 1Te 5:15; 1Pi 3:9 ^b 6:9 Ga 5:19-21; Ef 5:5; Rev 22:15

kerek niwaai netike mit han hir niriak enum ap te nanu nanit wit kerek God naanmipre mit miyapir yaain taau! ¹⁰Mit miyapir kerek han kitet nankintip menmen me mit han o hemkre menepam menmen mir o hekrit hekrit naam tipar si enum ere hir netaritari menmen, o hir natip enum nesiuwe mit han him weinim o hir nari menmen me mit miyapir han, hir mit nar ik ap te nanino nanu wit kerek God naanmipre mit miyapir yaain en taau! ¹¹^cMit han nekre nimin ke yi mit nipaa yi yipriak menmen enum mar im te God Himin Yaaik kesak menmen enum mekre han ki, kehimiteni yi mit nirak, hirak katip yi yaain yentar yi yises him me Mitik Iuwe Jisas Krais, yi nirak.

**Yi yiriak menmen yaaim yeriuwe yink ki te mit
nanwenipi niuk me God nenterim**

¹²^dYi yatip menmen yapirwe kerek God ap katip haiu mit ap mamriakem au, hiram yaaim, te hi hatip menmen ham im ap te mamkepai haiu mamu werek au. Yi yatip menmen im hiram yaaim haiu miriakem. Te hi hetpi hi ap te ariak menmen ham im au emit hentar hi hinapen menmen im hiram mamri han kai te hi hanhanem wisenum han kai kakinke kakinterim.

¹³^eYi yatip God kiriak menmen te haiu mamim. God kewetai tu te haiu emim menmen keremem. Te yi ap han ekitet menmen o tu ki hiram iuwe au. Hiram menmen weinim! Maain God kaknip menmen metike yink kiau hiram mamu mamit. God kiriak yink kiau te haiu mamtike mit miyapir han ap emriakan menmen enum au emit. Haiu emriak menmen me Mitik Iuwe emwenipi niuk mirak emriuwe menmen haiu miriakem meriuwe yink kiau. Mitik Iuwe Krais, hirak hanhan kakikepai kaku kakikre han kiau.

¹⁴^fMitik Iuwe Jisas kaa te God pike kikiak. Maain haiu mami, God pike kakikekyei haiu mit yink kiau keriuwe menmen mirak iuwe.

¹⁵^gYi han ekitet menmen im. Yink kiau hirak pinak pinak ke yink ke Krais. Yi han kitet hirak yaaik te haiu meit yink kiau hirak ke Krais, haiu mamno mamit mite enu rumaa haiu mamitan a? Taauye! ¹⁶^hYi han ekitet menmen im. Mitik hirak keit mite enu wori mit his wewenem hirak ketikerep hir nire yink kiutip. Kekre tiwei mit newisim God katip me mit hir netike miyapir hir neitan. Hirak katip, "Hir wik nire yink kiutip." ¹⁷ⁱTe mit miyapir kerek nises Mitik Iuwe Krais, hir han kir kiutip ketikerek. ¹⁸Yi einopin eikeipin menmen enum mit netike miyapir hir niriakem, hir nariyanhis keriyen neweinem niwaai yeno miutip. Menmen enum ham mit miyapir hir niriakem, hiram ap mamiwaank yink kir au. Te mit miyapir kerek nariyanhis neweninem, hir naniwaank hiras. ¹⁹^jYi

^c 6:11 Ta 3:3-7 ^d 6:12 1Ko 10:23 ^e 6:13 1Te 4:3-5 ^f 6:14 Ro 8:11; 1Ko 15:20; 2Ko 4:14
^g 6:15 Ro 12:5; Ef 5:30 ^h 6:16 Jen 2:24; Mt 19:5 ⁱ 6:17 Jo 17:21-23; Ro 8:9-11; Ga 2:20
^j 6:19 1Ko 3:16

han ekitet yink ki hirak kire winak God kehimitanek hirak kirak yaaik, Himin kirak Yaaik kerek hirak keweteiyek, hirak kau kekrerek. Yink ki hirak ap ke yi mit keriyen au. ²⁰kHirak yink ke God kentar hirak epei kesiuwe Nikan kirak kaa kentar nu tentarakit kekepai haiu mit kaktaihis. Te haiu emwenipi God emriuwe menmen haiu miriakem emintar menmen im iuwe hirak kerekyaiyem kekepai keriuwerem.

Him me mit nantike miyapir nanitano

7 ¹In ek hi hewisi him me menmen nipaa yi yewis tiwei yi yitauhiyem. Yi yatip hiram yaaim mit ap neit miyapir o au? ²Te hi hanhan yi mit niutip niutip yeit miyapir ni nereri, yi miyapir niutip eiyit mikan ni nereri. Hi etpi menmen im hentar mit miyapir nerer wit wit hir nisesan niriran, te hi hinapen yi han ekitet eiriak menmen hir nisesim au emit! ³Mitik keit mite pirak hirak ekwisiye hir enyawan enwaai yeno miutip. Mite nepei weit mitik kire hire euwisik hir enyawan enwaai yeno miutip. ⁴Hi hatip menmen im hentar mite hire ap naanmipre yink kire weinik au. Mitik kire naanmiprewek. Mitik hirak ap naanmipre yink kirak weinik au. Mite pirak kerep naanmiprewek. ⁵Mitik o mite hir ap niriran nanyawan nanwaai yeno miutip au emit! Hiram yaaim hir ap nanyawan me wi mei kike au hir natipan nar ik: “Hawir ap wiyawan me wi meiyam kike au te hawir witehi God me menmen.” Maain hir nitehi God me menmen im epei au, hir hanhan pike enyawan te Seten ap kakri han kir te hir nanino nanriyanhis nanweninem nantike mit miyapir han. ⁶Him im hi hetpiyem, hi ap hetpi God katip yi mit niutip niutip eitike miyapir eiyitan au. Hi hetpi han ki yi eiyisesim. ⁷Hi hanhan mit miyapir hir nanu weinim nanir ke hi hau weinim im, te God epei kerekyei haiu mit han in han ein. God kiriak me han hir hanhan nanit miyapir. God kerekyei haiu mit han au haiu mamu weinin.

⁸Hi hatip mit miyapir kerek ap neitan au, o miyapir kerek mikan nir epei naa. Hiram yaaim te yi yayu weinim yayir ke hi hepu weinim im. ⁹Yi ap te yewenin han ki yi hanhan eiwaai eitike mit o miyapir han, hiram yaaim te yi yayitan. Hiram enum te yi yayu weinim te yi hanhan eiwaai eitike mit miyapir han. Eim em au enum emit!

¹⁰Hi hetpi yi mit miyapir kerek epei yeitan hi hetpi him iuwe yi miyapir ap einaapis mikan ni. Hi kerekek hetpi him im au. Mitik luwe ketpo te hi hetpiyem. ¹¹Miyapir kerek ninaapis mikan nir hir ap te nanit mit han au emit, o au en hir pike enino enit mikan nir keriyen. Yi mit ap te yainaiwir miyapir ni. ¹²Hi hirekes hetpi yi mit miyapir hanhan menmen im. Mitik luwe Kraisketpewem au. Hi hirekes han kitetim. Mitik kerek kises him me God hirak epei keit mite kerek ap wises him me God, hire hanhanek hire wen wau wetikerek, hirak ap te kakneiniye

^k 6:20 1Ko 7:23; 1Pi 1:18-19; Fl 1:20 ¹ 7:7 Mt 19:12 ^m 7:9 1Ti 5:14 ⁿ 7:10 Mt 5:32, 19:9

kaknaiwirep taau. Au, hirak ekwisiye hire ewu eutikerek. ¹³Mite kerek wises him me God epei weit mitik kerek ap kises him me God, hirak hanhan wen kau ketikerep, hire ap waunaiwirek au emit! ¹⁴Hire ap wauneinik waunaiwirek wawintar God epei katip mitik ik ap kises him me Krai, hirak kehimitanek kentar mite pirak hire wises him me Krai werek werek. Mitik ap kaknain mite pirak kaknaiwirep kakintar God katip mite hap hire ap wises him me Krai, hirak kehimitanep wentar mitik kire hirak kises him me Krai werek werek. Him im hiram yaaim te nikerek ni God katip hir yaain. Him im hiram enum memipin hi hetpiyem te God kaktip nikerek ni hir enun nire nikerek ne mit miyapir ap nises him me Krai. Te him im hiram yaaim, God katip hir yaain. ¹⁵Mit o miyapir ap nises him me Krai, hir hanhan naninaaiwir mit o miyapir nir kerek nises him me Krai, hir ap te nenipi hir nanu nantikeri au emit! Yi eiwisi hir naninaiwii. Mite kerek wises him me Krai, mitik kire kinapen kaku kaktikerep, hire ap te wauri han ke mitik kire kaku kaktikerep au emit! Mitik kerek kises him me Krai mite pirak winapen wawu wautikerek ap te kakri han kire te hire wawu wautikerek au emit. God kehimitenai haiu mit miyapir nirak te haiu emises menmen yaaim emtike mit miyapir han emkiyan emu emit. ¹⁶Mite hap hire wepitari menmen im. Hire wautike mitik kire ap kises him me Krai hir wen nekiyan nau hire wauri han kirak werek te hirak kakises him me Krai o au. Mitik hak hirak kepitari menmen im. Hirak kaktike mite pirak kerek ap wises him me Krai, hir wen nankiyan nanu, hirak kakri han kire te hire wawises him me Krai o au. Te yi han ekitet werek werek menmen God hanhan yi eiysesim eiriakem.

**Haiu emu emises menmen haiu miriakem me wi
nipaa God kehimitenai haiu mit miyapir nirak**

¹⁷Hi hetpi him miutip im. Yi mit miyapir niutip niutip eiyu eiyses menmen kerek Mitik Iuwe Krai kehimitaniyem. Yi eiysesik eiyu eiyr ke nipaa wi hirak kari han ki yi yisesik. Hi hatip mit miyapir kerek nerer wit wit hir nises God hi hetpor har ik. ¹⁸Mit kerek nipaa God kari han kir hir nises him mirak, hir mit han epei nerekir yink kir, hir ap te nanisak menmen im meteikin mit hir ne weiwik me Isrel au emit. Mar im mit kerek nipaa God kari han kir hir nises him mirak, hir mit ap nerekir yink kir, hir ap hanhan nanwis mit nanrekir yink kir te hir nanre mit ne weiwik me Isrel au emit. ¹⁹Menmen im me mit hir nerekir yink ki, hiram menmen weinim. Mit hir ap nerekir yink ki hiram menmen weinin. Hiram ap mamkepi te God kaktip yi yaain au. Menmen iuwe hiram menmen im: Yi eiyu eiyses him kerek God ketpi yi eiysesim.

° 7:15 Ro 14:19 p 7:16 1Pi 3:1 q 7:17 1Ko 7:20, 24 r 7:19 Ro 2:25; Ga 5:6, 6:15

²⁰Mit hir enu enir ke nipaa wi God kari han kir hir nises him mirak. ²¹Yi ap hanhan eiriuwe menmen im: Nipaa God kari han ki yi yiriak menmen me mitik hak yi yeit pewek mererim au, yi yire slev, hiram menmen weinim. Yi han enuk yeriuwe menmen im au. Te maain hir nanwisi yi yainaiwiri yi yayu weinim, yi eino han yaaik eiyu eiriuwere. ²²^sMitik kerek hirak slev kiriak menmen me mitik iuwe kerek naanmipriwek hirak ap kakit pewek mererim au, me wi God kari han kirak hirak kises him me Kraiss, hirak kire mitik yaaik keit pewek me Mitik Iuwe God. Mitik kerek kepu yaaik ap mitik hak naanmiprewek, me wi God kari han kirak hirak kises him me Kraiss, hirak kire mitik ke Mitik Iuwe God, hirak kakriak menmen mirak weinim. ²³Jisas kaa hemkre mewen. Me menmen im God epei kewir menmen wisenum te pike ketihis yi mit. Te yi ap eiwis mit hir nanmitipin nanriuwe him mir nanri han ki te yi eiyses han kir au emit! ²⁴Tis, nai yinan haiu wen mamtike God mamu han kiutip, haiu wen mepu mar ke haiu mepu me wi nipaa God kari han kaiu haiu misesik.

**Him me miyapir hir ap neit mikan hir netike
miyapir mikan nir epei naa**

²⁵^tIn ek hi ewisi him me miyapir hir ap neit mikan. Hi ewisiyem entar yi nipaa yitauhiyem. Mitik Iuwe Kraiss ketpo him hi etpiyem au, te hi hetpi han kai me menmen im. God epei hanhana kerekyo yaaim kekepa hi han kitet menmen werek werek. Te yi eiyses him mai hiram yaaim. ²⁶Hi han kitet menmen im. Hiram yaaim te mit miyapir nanu weinim nanintar him im em mit enun ne ti nerekyei menmen enum. ²⁷Yi mit miyapir kerek epei yeitan, yi ap eipir mikan o miyapir ni nipaa yi yetor. Yi mit yau weinim o yi miyapir yau weinim, yi ap yaitike mit o miyapir han yi ap yaiyitan au emit! ²⁸^uYi mit o miyapir yi yeitan, yi yiriak menmen enum au. Te hi hetpi menmen im hentar mit nerekyi enum hiram mamiwaank yi mit miyapir kerek epei yeitan. Hi han han menmen enum im mamnen mamiwep au, te yi yayu weinim.

²⁹^vNai yinan, hir o as me him im hi hewisiyem hiram mar im. Wi kerek God kehimitenai haiu mit mamu ti ik hiram menep epei au. Yi han ekitet menmen im, yi eiriak menmen me God iuwe. In ere maain mit epei neit miyapir kerek niriak menmen me God nanriakem wisenum nanir ke mit kerek ap neit miyapir.

³⁰Mit miyapir kerek niriak menmen me God, hir nikit me menmen, hir enweikin enre mit miyapir kerek ap nikit menmen. Mit miyapir kerek hir han yaaik enweikin enre mit miyapir han enuk. Mit miyapir kerek netenen menmen yapirwe enweikin enir ke mit miyapir ap netenen

^s 7:22 Fm 16; Ef 6:6; 1Pi 2:16 ^t 7:25 1Ti 1:12-13 ^u 7:28 Lu 21:23 ^v 7:29 Ro 13:11

menmen. ³¹ Mit miyapir kerek neit menmen me ti ik hir ap hanhan iuwe neriuwerem nentar menmen me ti ik maain hiram mamiwaank mamit.

³² Hi hanhan yi han kitet mar im: Yi ap han ekitet menmen me ti yapirwe te yi han kaa menmen me God au emit! Mit kerek ap neit miyapir hir hanhan nanriak menmen me God keremem. Hir hanhan nanriak God han yaaik kakriuwari.

³³ Mit kerek hir neit miyapir, hir han kitet menmen me ti hir nanriak miyapir nir han yaaik nanriuwerem. ³⁴ Mit nar ik hir han kitet menmen wik. Hir hanhan nanriak miyapir han yaaik nanriuweri. Miyapir ap neit mikan o miyapir nihan hir hanhan nanriak menmen me Mitik Iuwe. Hir hanhan yink kir ketike himin kir hirak yaaik kakriak menmen me God keremem. Te miyapir kerek epei neit mit hir hanhan nanriak mit nir han yaaik nanriuweri. Te hir hanhan neriuwe menmen me ti ik. ³⁵ Hi ap hetpi menmen im te hi heremir menmen yi yiriakem au. Hi hetpiyem hiram mamkepi yi eiriak menmen yaaim eyisesim werek werek, te menmen me ti ap te mamri han ki iuwe me wi yi yiriak Mitik Iuwe menmen mirak.

³⁶ Mitik kerek ketike mite hir nehimiteni nanitan, hirak yink enuk kentar hirak hanhan kakwaai kaktikerep, hirak kaktiwe hir nanitan. Hir ap nanriak menmen enum nanintar hir nanitan au. Hiram yaaim. ³⁷ Mitik kiutip kerek mitik hak ap kari han kirak te hirak hirekes kewenin han kirak ke menmen im, hirak han kitet ap hanhan kakwaai kaktike mite, hirak kinapen kaktike mite hir nanitan, hiram yaaim. ³⁸ Tis, mit kerek neit miyapir hir neitan, hir niriak menmen yaaim. Te mit kerek newenin han kir ap nanit miyapir, hir ninini niriak yaaim iuwe.

³⁹ ^x Miyapir netike mit nir hir nekiyan nau neit me wi mit hir nau ti ik. Maain mitik ke mite hirak kaki, hiram werek te hire pike wawit mitik hak. Hire wawit mitik hak kerek kises him me Mitik Iuwe Kraiss ek. Mitik keyak taau. ⁴⁰ Te hi han kitet menmen im. Mite mitik kire epei kaa, hire wawu weiniye hire han yaaik wawu. God Himin Yaaik kirak hirak ketpo menmen im.

Him me menmen mit newepwarem newet tipir em

8 ¹ In ek hi ewisi him me menmen kerek mit ne ti ap nises God newepwarem newet tipir em. Hi hewisiyem hentar yi nipaa yitauhiyem. Hi hertei yi yatip menmen im: “Haiu mertei menmen yapirwe.” Hi hatip him im: Menmen haiu merteiyem weinim hiram merekyei haiu menke perkenum o paan tokik, te haiu han tewenin hiram mamkepai te haiu yaain emir ke Kraiss. ² Mit miyapir yapirwe hir han kitet hir nertei menmen iuwe, te God kaktip hir enun ap han kitet

^w 7:31 1Jo 2:17 ^x 7:39 Ro 7:2-3 ^y 8:1 Ap 15:29 ^z 8:2 Ga 6:3

menmen o nertei menmen mirak werek werek wen au. ³aTe mit miyapir hir han tewenin God hirak kaktip hirak kakirtei hir mit miyapir nirak.

⁴bTe hi hetpi him im me menmen haiu mamim kerek nipaa mit hir newepwarem newet tipir em. Haiu mertei him im yi yetpin hiram yaaim. Haiu mertei nu mit nimaam newis ninaan mau teinik newisim merp hankiu eik, hiram mekrehir ke tipir, te hiram mire God taau. God kiutip kerekek hirak kepu. ⁵Menmen yapirwe mau nepni metike ti te mit ap nises him me God hir natip menmen im hiram mire God. God yapirwe netike mit iuwe yapirwe nar ek hir nepu, te haiu mit mertei menmen im. ⁶cGod kiutip kerekek hirak Haai kaiu hirak kepu. Hirak as o hir ke menmen yapirwe, haiu mau ti te emisesik. Mitik Iuwe kiutip kerekek kepu. Hirak niuk mirak Jisas Kraiss. Nipaa hirak kiriak menmen yapirwe meit nepni, menmen mau ti. Hirak kerekyei haiu meit Himin Yaaik kirak hirak kekepai haiu mepu.

⁷Te mit han kerek nises him me God hir nepitari ninaan mau teinik hiram weinim. Hir han kitet hiram mepu me wi hir naam menmen kerek nipaa mit nen newepwarem newet tipir em, hir han kitet hir naam hiram mar ke hir hiras newepwarem newet tipir em. Te hir han kitet God kaktip hir niriak enum. ⁸dGod ap han kitet haiu mamim menmen hir mit newepwarem newet tipir em o haiu ap mamim. Au hiram menmen weinim. Menmen haiu mamim ap te mamriak God han kitet haiu mit miyapir enun au. Menmen haiu ap mamim ap te mamriak God han kitet haiu mit miyapir yaain au. Menmen haiu mamim hiram menmen weinim. ⁹eHiram menmen weinim te yi naanmamre hiras me menmen yi yayim te yi ap einip mit kerek ap nises him me Kraiss werek werek wen au, hir naniwaank hiras. Hir nanir menmen yi yaam te hir yink enuk. Mar im yi yayiwaank menmen me Kraiss hir nisesim naninterim.

¹⁰Hi hetpi menmen im hentar maain mitik hak hirak kaknen kakrit ti hau hankiu haam menmen kerek mit han epei newepwarem newet tipir em, hirak ap kertei ti han kitet menmen im hiram weinim. Hirak han kitet ninaan mau teinik hiram tipir. Hirak kakrit ti haam menmen te hirak han kitet hiram werek hirak kakim. Te hirak kakiwaank him me Kraiss hirak kisesim. ¹¹fTi haam menmen im hentar ti hertei ninaan mau teinik hiram menmen weinim. Te mitik hak ap kerteiyem au, hirak kakim menmen hirak kakiwaank menmen me Kraiss hirak kisesim kakintar menmen me Kraiss hirak kisesim kakintar menmen im hirak kaam. ¹²Mar im yi epei yiriak Kraiss menmen enum yentar yi yiriak han ke ni yinan hir han kir kakiwaank me menmen yaaim me Kraiss hir nisesim nentar menmen im yi yaam. ¹³gTis, hi han kitet menmen kerek hi haam hiram

^a 8:3 Ga 4:9 ^b 8:4 1Ko 10:19; Ga 4:8; Diu 4:35, 39, 6:4 ^c 8:6 Mal 2:10; 1Ko 12:5-6; Ef 4:5-6; Jo 1:3 ^d 8:8 Ro 14:17 ^e 8:9 Ro 14:13-15; Ga 5:13 ^f 8:11 Ro 14:15, 20 ^g 8:13 Ro 14:21

mamriak kai yinak hirak kakiwaank han kirak ke menmen yaaim me Kraiss hirak kisesim, hi maain ap te hahim menmen im meiyam taau. Hi hinapen ariak kai yinak kakiwaank han kirak kakinterim.

**Pol han yaaik hirak nipaa ap kari pewek mei me
mit ne Korin me menmen hirak kerekyorem**

9 ¹Him meiyam ap te mamwena me menmen hi hiriakem me God taau. Hi mitik aposel kerekek, hi epei hir Mitik Iuwe kiau Jisas Kraiss. Yi mit yises him me Kraiss yentar menmen me Mitik Iuwe Kraiss hi herekiyiem. ²Mit han hir ap han kitet hi aposel hiram menmen weinim. Yi mit ne Korin han kitet hi aposel hentar menmen hi hiriakem meteikniyiem. Yi hiras yertei him me Kraiss te menmen im meteikni Mitik Iuwe kehimitena hi hire mitik aposel kirak. ³Mit kerek hir natip hi Pol hi ap hire aposel hi heweninor him, hi hetpor him kerek hi epei hewisiyiem. ⁴Hi han kai hi ehit menmen me yi mit miyapir te hi ahim me menmen hi herekiyiem entar hi aposel. Menmen im enum a? ⁵Hi ap heit mite au, te hi hanhan hahit pei hire wises him me Kraiss hire wautikewa waunen wauri a? Mitik Pita ketike aposel han netike Jisas Kraiss kikrek nirak hir niriakem mar im, te hiram yaaim hi hises han kai hi ariakem. Hiram yaaim werek te hi hitihi yi naanemprawir me menmen wi hawir waunen wauri o au a? Hiram yaaim ye! ⁶Mekam! Yi han kitet hi hetike Banabas hawir wik keretet wauriak menmen naanempre hirekses me menmen hawir wawim me wi hawir wetpi him yaaim me Kraiss, te aposel han en au a? Taau!

⁷Mit kerek hir nire soldia ne ami hir ap naanmire hiras me menmen au. Mitik iuwe kir kewetirem. Mit ap namir ni te mit han nanitpor nanirik, “Yi eimir menmen me ni te yi ap te yayim menmen taau.” Auye! Mit kerek namir ni hir hiras nanim menmen. Mit han au. Mit naanmipre sipsip hir nanim nim me sipsip. Ap te mit han naninen nanitpor au emit. Hir ap te nanises menmen mar im au. Te hi hetpi. Hiram yaaim hawir wik witihi te yi naanemprawir me menmen me wi hawir wau wetikewi waukepi.

⁸Menmen im hir netpiyiem hiram him mit keriyen nertei hiram yaaim au. Him me God mau tiwei nipaa mit newisim hiram matip mar im. ⁹Nipaa Moses kewis him mau tiwei hiram matip: “Yi ap yayepet him ke bulmakau kerek kentirer rais haas kewenem te hirak ap kakim ham pinam au emit!” God ap han kitet bulmakau keremem me wi hirak katip Moses im. ¹⁰^mAu, hirak katip him im mamkepai haiu mit mamtike bulmakau. Moses kewis him im te haiu mit yapirwe mamirtei menmen

^h 9:1 Ap 22:17-18, 26:16; 1Ko 15:8 ⁱ 9:2 2Ko 3:2-3 ^j 9:4 Lu 10:8; 1Ko 9:13-14 ^k 9:5 Jo 1:42 ^l 9:9 Diu 25:4; 1Ti 5:18 ^m 9:10 2Ti 2:6

im: Mitik kerek kewen ti kakmir menmen ketike mitik kerek kewen rais haas, hirakit wik tatit pewek mamrer menmen me hirakit tatriakem. ¹¹Menmen im hiram ap enum te mit kerek namir ni o mit hir newen rais, hir nanim meiyam pinam. Mar im hiram ap enum te hawir wawitihii yi eiwetawir menmen mamkaap yink kawir yentar hawir epei wetpi him yaaim me Kraiss mamkaap himin ki. ¹²Hiram yaaim mit han kerek nekepi neriuwe menmen nanit menmen naanempre yink kir keriuwerem, te hiram yaaim iuwe hawir ewit menmen. Hawir mitikit iuwe winini!

Te nipaa ere in hawir wik ap weit menmen me yi mit au. Hawir wau enum ninpi mewewir te hawir ap wari han ki enum te yi yinapen yemtau him yaaim me Jisas Kraiss au. ¹³Yi han ekitet menmen im. Mit pris ne Isrel kerek niriak menmen neit winak ke God mit newisi hir naam menmen pinam mit newisim mekre winak eik nanwet God em. Mit pris kerek neit menmen me mit newisim mau kinaan newepwar God em, hir naam ham pinam. ¹⁴Mar im, Mitik Iuwe God katip mit kerek newepyapir him yaaim me Kraiss, hir nanit menmen me mit hir nemtau him yaaim im te hir naanempre yink kir ekrerim. ¹⁵Hirak yaaik hi aposel hitihi me menmen, te nipaa hi ap hitihi me menmen au. In ek hi ap hewisi tiwei ik te hi itihii yi naanmamrau me menmen taau. Hi ninpi meiyu wisenum ere hi hahi te hi hinapen ehit menmen me his me mitik kiutip. Hi etiwem, te hi ap atip hi hewepyapir him me God ap heit pewek mererim au. ¹⁶Hi ap han yaaik heriuwe hirekes hentar hi hatip mit miyapir him yaaim me Kraiss keremem au. Mitik Iuwe Kraiss kehimitena hi hewepyapirem. Hi ap hewepyapirem te han kai enuk keriuwe hirekes, hi heweikin sip ewet menmen Mitik Iuwe ketpewem hi hiriakem. ¹⁷Hi hirekes han kitet hi ano ewepyapir him yaaim me Kraiss te hi ehit pewek o menmen yaaim emrerim. Te hi hirekes ap han kekrit te hi hiriak menmen im au. Hi kerekek hises menmen nipaa God kehimitena hi ariakem te hi ap ehit pewek o menmen emrerim au emit! Hi hiriakem weinim. ¹⁸Hi heit mekam yaaim me hi hewepyapir him yaaim me Kraiss a? Hi heit menmen im. Wi kerek hi hen ein hen ein hewepyapir him yaaim me Kraiss, hi han yaaik hatip mit miyapir em weinim. Hi ap hari menmen mir mererim au, mar ke him me God hiram matip hi han kai ehisesim.

Pol Katip hirak kire wok mitik ke mit miyapir yapirwe

¹⁹Hi hepu weinim mit han ap ninina naanmamrau au. Hi naanempre hirekes me menmen. Te hi heweikin hire wok mitik ke mit yapirwe te

ⁿ 9:11 Ro 15:27 ^o 9:12 Ap 20:34-35; 2Ko 11:9; 1Ko 13:7 ^p 9:13 Nam 18:8, 31; Diu 18:1-3 ^q 9:14 Mt 10:10; Lu 10:7; Ga 6:6 ^r 9:15 Ap 18:3 ^s 9:16 Jer 10:9 ^t 9:17 1Ko 4:1
^u 9:19 Mt 20:26-27

hi hari han kir yapirwe te hir nanises him yaaim me Krai. ²⁰Wⁱ kerek hi hau nimin ke mit miyapir ne Juda, hi hies him lo me Moses te hi ari han ke mit en, hir nanises him me Krai. Hi han kitet him me Moses mau tiwei hiram weinim ap te mamri han kai. Te wi hi hau hetike mit ne Juda, hi hisesim te hi ari han kir hir ap enises him me Moses meiyam au. Hi ehises him yaaim me Krai keremem. ²¹WⁱHi ap heweikin sip hewet him nipaa God kewet Moses em au. Hi hises him me Krai kerekek. Te wi kerek hi hau hetike mit miyapir neiyam ap nises him me Moses, hi ap hises him me Moses au. Hi hiriak menmen im te hi ari han kir hir nanises him yaaim me Krai. ²²Wⁱkerek hi hau hekre nimin ke mit miyapir hir ap nises God werek werek, hi ap hiriak menmen mamnipi hir han enuk neriuwa. Au, hi hises menmen hir han kitet hiram yaaim te hi ari han kir hir nanises him me Krai werek werek. Me wi yapirwe hi hau hekre nimin ke mit yapirwe nerer wit wit, hi hises menmen hir han kitet hiram yaaim te hi ari han kir hir nanises him me Krai. ²³Menmen im yapirwe hi hiriakem, hi hiriakem mamkaap mit miyapir nises him yaaim me Krai te hi atikeri haiu mamit menmen yaaim God kakwetaiyem.

Haiu emises God emir ke mit nesiuknen resis hir nanit menmen

²⁴Yⁱ han kitet menmen im. Mit yapirwe nesiuknen te mitik kiutip kerekek kinini hirak kakit menmen. Mar im yi yises him me Krai werek werek yar ke mitik kiutip hirak kesiuknen kinin mit han, te yi yayit menmen yaaim God kakwetiyem. ²⁵ZⁱMit yapirwe kerek hanhan nansiukin nanit menmen, hir nesiuknen yapirwe hekrit hekrit te yink kir hirak manpenuk. Hir niriak menmen im te hir naninin mit han nanit menmen kerek mit iuwe nanwet mitik kerek kinini hir nanwetiwekem. Haiu mamriak menmen iuwe emises him me God te haiu mamit menmen mirak yaaim. Menmen God kakweteiyem hiram ap te mamiwaank mamir ke menmen me ti mit nesiuknen hir netiwem au. ²⁶Te hi hire mitik kesiuknen in kesiuknen ein au. Hi hire mitik kesiuknen kakinin kakiun mak. Hi har ke mitik kerek kewir his weinim kenep nime au. Hi har ke mitik kerek kewir his kenep mitik kepan kirak ek hirak kininek. Mar im hi hiriak menmen me God werek werek, hi naanempre hirekes me menmen hi hisesim. ²⁷AⁱHi hire mitik hirak kiriak menmen ere yink kirak hemkre hemkre weinik siuwan makip wisenum. Hi hewenin han kai ke menmen enum hi hanhanem, te maain wi hi hatip mit miyapir him me God epei au, hirak Mitik Iuwe ap kakitpo hi au enuk ap ehit menmen yaaim mirak taau.

^v 9:20 Ap 21:20-26 ^w 9:21 Ga 2:3 ^x 9:22 2Ko 11:29; Ro 11:14 ^y 9:24 Fl 3:14; 2Ti 4:7-8
^z 9:25 2Ti 2:4-5; Je 1:12; 1Pi 5:4 ^a 9:27 Ro 8:13, 13:14

Yi naanmamre hiras te yi ap eiriak menmen enum

10¹ ^bNai yinan hi hanhan yi eiyirtei markeik God kikaap maamrer naitu. Wi nipaa maamrer naitu nises Moses neit yaank tenhaan weinik enuk menmen auri, God keruwet nipi kau nepni naanmipror keteiknor yayiwe. Me wi im hirak kikaap mit miyapir yapirwe hir nen nerekir wan mit nenewek niuk mirak Wan Ninik, hir ap kei kiutip kaa au. ²Menmen maamrer naitu niriakem nipi kau nepni kiwapin yink kir, hir nerekir wan mit nenewek Wan Ninik, hiram merekyor hir mit miyapir ne Moses, hir nisesik nar ke in mit newis mit han nikiri neriuwe tipar neteikin hir ne Mitik luwe Kraiss hirak naanmipror. ³^cHir yapirwe naam menmen hir nenewem “mana” kerek God kewetirem meke wit kirak man, hiram mekepi manpenun. ⁴^dHir yapirwe naam tipar miutip kerek God Himin Yaaik kewetirem meke nan man, hiram mekepi manpenun. Hir naam tipar meke nan man, kerek God Himin Yaaik kewetirem, hirak kau ketikeri neit wit kerek mit ap nei newi au. Nan ik hirak Himin ke Kraiss, hirak kikaap himin kir, kar ke tipar meke nan hir naam mikaap yink kir. ⁵^eGod kikaap hir mit yapirwe te hirak han yaaik keriuwe menmen mit han niutip niutip keriyen nekre nimin ke hir mit hir yapirwe niriakem a? Taayue! God kanip kenepi te herwe yink kir kiwaai kerer wit wit me wit mit ap newi. ⁶^fGod kiriak menmen im epei man meteiknai haiu ap hanhan emriak menmen enum emir ke hir niriakem.

⁷^gHaiu ap emwenipi niuk me tipir mamir ke mit han nekre nimin ke hir maamrer naitu en hir niriakem. Him me God mau tiwei Moses kewisim hiram matip mar im: “Mit miyapir en nau yeno naam menmen. Hir naam menmen epei au, hir nekrit nirire niriak tipir hir nisesik hirak han yaaik keriuweri.” ⁸^hHaiu mit miyapir ap emriakan emisesan emir ke nipaa mit miyapir han nekre nimin ke hir mit hir niriakem. God han enuk keriuweri hirak kanip te mit miyapir han nar ke 23,000 mit hir naa ne wi miutip. ⁹ⁱHaiu ap te mamri han ke Mitik luwe God ere hirak han enuk keriuwai mamir ke mit miyapir han nekre nimin ke hir mit en hir niriakem. God han enuk keriuweri te hirak keruwet manpen (o yenmik) kanip hir naa. ¹⁰^jHaiu ap te mamne God mamir ke mit miyapir han nekre nimin ke hir mit en hir niriakem. Hir nenerek me menmen te God keruwet mitik ensel hirak kanip hir naa. ¹¹^kNipaa menmen im yapirwe epei man menep maamrer naitu mekepi hir nertei God han enuk keriuwe menmen hir nisesim. Maain mit newisim mau tiwei mamkepai haiu mit miyapir in. Hiram meteiknai haiu mit miyapir kerek mau ti

^b 10:1 Eks 13:21-22, 14:22-29 ^c 10:3 Eks 16:35 ^d 10:4 Eks 17:6; Nam 20:11 ^e 10:5 Nam 14:26-30; Hi 3:17; Ju 5 ^f 10:6 1Ko 10:11; Nam 11:4, 34 ^g 10:7 Eks 32:6 ^h 10:8 Nam 25:1-9 ⁱ 10:9 Nam 21:5-6 ^j 10:10 Nam 16:41-49; Hi 3:11, 17 ^k 10:11 1Ko 10:6; 1Pi 4:7

me wi im menep Krai pike kaknen, haiu naanempre hiras te haiu ap mamises menmen enum kerek nipaa hir maamrer naiu hir niriakem.

¹²Te yi mit miyapir kerek han kitet yi yinin maamrer ni yi yises him me Krai werek werek, yi naanmamre hiras te menmen ap mamri han ki yi yairiak menmen enum. ¹³^lMenmen yapirwe epei man mari han ki te yi yayises menmen enum, yi ap han ekitet hiram man mari han ke yi mit keriyen au. Hiram epei man mari han ke mit miyapir yapirwe nerer wit wit. God hirak yaaik kakikepi ap kakwis menmen enum mamnen mamri han ki maminini au. Menmen enum mamnen han ki te hirak kakikepi te yi eiyninem eiyyu.

Haiu ap emises him me God mamtike him me tipir au emit-God kerekek

¹⁴^mNai yinan yaain, yi eiweikin sip eiwet tipir te yi ap eiwenipi niuk mir au emit eiyyantar God kakikepi naanmampru. ¹⁵Hi hetpi him im men yi mit miyapir kerek yi yertei menmen im werek werek. Yi han ekitet menmen kerek hi hetpiyem. ¹⁶ⁿWi kerek haiu mitehi God me tipar me komunion mekre kap haiu mamim, haiu meteikin haiu metike Krai mau han kiutip me hemkre mirak nipaa mewen. Niu o bret kerek haiu mewenem mamim meteikin haiu metike Krai mau han kiutip me yink kirak wi nipaa hirak kaa kentar nu tentarakit. ¹⁷^oHaiu mit haiu mire yapirwe, te haiu maam niu o bret miutip. Haiu maam niu o bret miutip te hiram meteikin haiu yapirwe mire yink kiutip ke Krai.

¹⁸^pYi han kitet mit miyapir ne Isrel. Mit miyapir kerek naam menmen kerek mit pris nesenkekim newisim mentar kinaan namip, hiram meteikin hir netike God nau han kiutip me kinaan im. ¹⁹^qMekam? Menmen im yi han kitet hi atip menmen mit ne ti newepwarem newet tipir rem hiram menmen iuwe a? Taauye! ²⁰^rMenmen mit ap nises God hir newepwarem newisim mau kinaan, hir newet tipir. God au. Te hi hinapen yi yaam menmen mit newepwarem newet tipir rem au emit! Yi yiriak menmen im meteikin yi yetike herwe yi yau han kiutip. ²¹^sYi ap yayim tipar mamikre kap mehimitan Krai hemkre mirak mewen mamtike tipir mamikre kap kerek mit newepwarem newet tipir rem. Yi ap yayim niu o bret kerek mehimitan yink ke Krai wi nipaa hirak kaa kentar nu tentarakit mamtike samiyak mit namip nesiyyem newet tipir rem. Menmen im hiram enum emit! ²²^tYi eiriak menmen im te yi eiriak Mitik Iuwe God han enuk kakirwi kakiwep. Hirak Iuwe haiu au enun weinin. Hirak kakiwep ap te yi eiyninek taau.

^l 10:13 1Ko 1:9 ^m 10:14 1Jo 5:21 ⁿ 10:16 Mt 26:26-28 ^o 10:17 Ro 12:5; Ef 4:16
^p 10:18 Lev 7:6 ^q 10:19 1Ko 8:4 ^r 10:20 Diu 32:17; Rev 9:20 ^s 10:21 2Ko 6:15-16
^t 10:22 Diu 32:21

Haiu emwenipi niuk me God emriuwe menmen haiu miriakem

²³“Yi yatip yarik, “Menmen yapirwe haiu miriakem hiram yaaam.” Te hi hetpi menmen yapirwe im ap te mamkepai haiu mises God werék werék au. Hiram ap mamkepei han kaiu hirak kaku tokik kakises God werék werék au. Him keremem mamkepai, te yi han ekitet werék werék menmen yi eiyisesim. ²⁴“Yi ap han ekitet menmen mi keremem te yi eiyu werék. Au, yi han ekitet menmen mi metike menmen me mit han yi eikepi naanmamror hir enu werék.

²⁵“Yi ap einapen eino eiyit samiyak kerek mau maket. Yi ap eiyitorhiyem nipaa mit newepwarem o au, te han ki ap yink enuk kakriuwere. ²⁶“Nipaa mit newis him mau tiwei me God hiram mau Sam, hiram matip mar im: “Ti im hiram me God metike menmen yapirwe mewim.” Te haiu mamim menmen yapirwe God kiriakem. ²⁷“Mit han kerek ap nises him me God hir nanithi yi einen winak kir eitikeri yayim menmen, yi ap han ekitet eiyitorhi me menmen hir newetiyem mit newepwarem newet tipir rem au emit! Yi eikintip eiyim te han ki kaku werék me menmen im. ²⁸“Te yi eiyu eitike mitik hak hirak ketpi kar ik: “Nipaa mit newepwar menmen im newet tipir rem, yi ap eiyim menmen im emit, te yi eikaap han ke mitik kerek ketpiyem. ²⁹Hi hatip me han kirak kerekek. Han ki au. Han kirak ap kertei menmen me Krai werék werék au. Yi ap eiyim menmen hirak ketpiyem. Yi han kitet yar ik: “Haiu menmak haiu ap te mamim menmen mamintar mitik ap kises him me Krai werék werék a? ³⁰“Hi hatip God hirak yaaik kentar menmen im hi ahim te nenmak mit hir nantip hi enuk me menmen hi haam a?”

³¹“Te hi hetpi menmen im. Menmen yi eiyim, tipar samiyak o menmen ham o menmen yi yiriakem, yi yiriakem te mit miyapir nanwenipi God naninterim.

³²“Yi mit miyapir ap yairiak menmen mamnip mit miyapir ne weiwik me Isrel o ne weiwik me Grik o mit miyapir han ne weiwik me God hir han enuk neriuweri au emit!

³³“Hi hirekes hiriak menmen im yaaam hi hetpiyem. Hi hiriak menmen mamkaap mit miyapir yapirwe han kir. Hi ap hiriak menmen han kitet hiram mamkaap han kai kerekek taau. Hi hiriak menmen mamkaap han ke mit miyapir yapirwe te God kakisak menmen enum hir niriakem kaktorhis.

11 ¹“Yi mit miyapir eiyises menmen hi hiriakem har ke hi hises menmen Krai kiriakem.

^u 10:23 1Ko 6:12 ^v 10:24 Ro 15:2 ^w 10:25 1Ko 8:1-13 ^x 10:26 Sam 24:1 ^y 10:27 Lu 10:8 ^z 10:28 1Ko 8:7 ^a 10:30 1Ti 4:4 ^b 10:31 Kl 3:17 ^c 10:32 Ro 14:13 ^d 10:33 1Ko 9:20-22 ^e 11:1 1Ko 4:16

Him me miyapir nanwapin menmen mamu paan kir nanit winak ke God

²Hi hatip yi yaain yentar hekrit hekrit yi han kitet menmen yapirwe hi hetpiyem yi yisesim. ^{3f}Te hi hanhan yi yertei menmen im. Mitik ke mite hirak naanmiprewe, Kraiss hirak naanmipre mitik, God naanmipre Kraiss. ⁴Mit kerek niwapin menmen mau paan kir hir newepyapir him me God o nitehi God menmen, tapin metitor paan kir. ⁵Miyapir kerek ap nemiun menmen mamu paan kir hir natip miyapir han him me God o hir nitehi God menmen, hir tapin metitor mar ke mite hire nimk mau paan hir nimiwerek. ⁶Miyapir ninapen nanmiun menmen mamwapin paan kir, hir mit enimiwe paan kire nanteikniwe hire wiriak menmen enum. Hekrit hekrit miyapir enmiun menmen mamwapin paan kir te hir ap tapin metitor paan. ^{7g}Mit ap nanwapin menmen mau paan kir nanwepyapir him me God o nitehi God menmen nentar haiu mit mehimitan God hirak kire mekak naanmipre menmen yapirwe. Te miyapir hir au. Hir nehimitanei haiu mit haiu niuk maiu iuwe.

^{8h}God ap kiriak yink ke mitik Adam ke yink ke mite Iv au. God kiriak yink ke mite Iv keriuwe menmen kekere yink ke mitik Adam. ⁹ⁱGod ap kiriak mitik Adam te kakikaap mite Iv au. God kiriak mite Iv waukaap mitik kire Adam. ¹⁰Te, hiram yaaim te miyapir nanmiun menmen mamu paan kir. Menmen im mamteikin mit hir ninin miyapir naanempror me wi hir nau winak ke God newenipi niuk me God hir enriak menmen im nanintar mit ensel kerek hir nisawin niri, hir han yaaik natip menmen im hiram yaaim. ¹¹Miyapir nanimtau him me mit nir te haiu mit miyapir kerek haiu ne Mitik Iuwe Kraiss, haiu mire niutip te haiu emkaapan mamu werek werek. ¹²Haiu emkaapan mamu werek werek mamintar nipaa God kinin kiriak mite Iv keriuwe menmen kekere yink ke mitik Adam. Nipaa ein ere in miyerer nine nikerek hiram hirakit. Menmen im meteiknai haiu mit miyapir emkaapan. Menmen yapirwe me ti metike haiu mit God kiriakem, te hirak Haai ke menmen yapirwe.

¹³Yi hiras han kitet menmen im. Miyapir hir nitehi God menmen, hir ap nemiun menmen mau paan kir, hiram yaaim o au enum a? Hiram enum ye! ¹⁴Haiu mit miyapir in mertei menmen im. Mitik paan kirak nokik kar ke miyapir hirak tapin metitiwek kenterim. ¹⁵Te miyapir ap tapin metitor au. Paan kir nokik kentar God epei kewetir paan te hirak kakwapin paan hesnu kir. ¹⁶Mit han hir hanhan nantikewai mamitpepan me menmen im, hi hetpor him mar im. Haiu mit aposel ap mamwis mit miyapir hir enises menmen ham au. Mit miyapir nerer wit wit ne weiwik me God hir ap enises menmen ham au. Menmen hi epei hetpim keremem.

^f 11:3 Jen 3:16; Ef 5:23; 1Ko 3:23 ^g 11:7 Jen 1:26-27; Je 3:9 ^h 11:8 Je 2:21-23; 1Ti 2:13

ⁱ 11:9 Jen 2:18

Mit miyapir ne wit Korin hir newaank hiras me menmen me Komunion

¹⁷Hi ap ewenipi niuk me yi mit me menmen im hi in ek etpiyem hentar menmen enum yi yiriakem hiram minin menmen yaaim yi yiriakem me wi kerek yi yererik yewenipi niuk me God. ¹⁸^jMenmen hi hinin hetpiyem hiram im. Hi nepei hemtau mit han natip yi mit miyapir en yi ap yekiyan yau niutip au. Yi yenke hasini me wi yi yewenipi niuk me God. Hi hemtewem te hi han kitet him pinam hir netpewem hiram yaaim. ¹⁹^kMenmen im me yi mit eiynke hasini hiram mamnen te mamteikin mit miyapir han neimin ne yi mit hir nises God werek werek a? Taauye! ²⁰Te menmen yi yaam wi kerek yi yererik yewenipi niuk me God yeriuwerem, yi ap yaam menmen han tewenin menmen Mitik Iuwe Kraiss kiriakem taau. ²¹Yi mit miyapir niutip niutip ap te yi yemeriran au. Yi yinin yeit menmen yi yayim te maain mit han nikaru nan, hir ninpi maan. Yi mit han yinin yaam menmen yi yenepim ere tu iuwe, yi yaam tipar si enum ere yetaritari yeit. ²²^lYi ap yayu winak ki te yi yinin yayim menmen au a? Yi winak ki keperp yi yayim yayit ein te yi au! Yi yan wit kerek yi yererik yi han kitet mit miyapir han ne Kraiss hir weinin te yi yaam menmen yeunim yerekyi (o yeriki) hir mit ap netenen menmen hir yink enuk neriuwerem. Yi han kitet hi etpi mekam me menmen im a? Yi han kitet hi ewenipi niuk mi me menmen im a? Taau!

Mitik Iuwe Jisas kewet mit disaipel nirak Komunion

(Mt 26:26-29; Mk 14:22-25; Lu 20:14-20)

²³Hi ap hetpi yi yaain hentar nipaa hi hemtau him me Mitik Iuwe Kraiss, te hi epei hetpiyem hiram him im: Mitik Iuwe Jisas keit niu o bret ketenenim ke witaan kerek mitik Judas kewepyapirek kesiuwerek ken his me mit enun. ²⁴Hirak keit niu o bret, hirak kitehi God katip hirak yaaik kentar hirak epei kewetiwekem, te hirak kewepim kewet mit nirak em ketpor kar ik: “Menmen im mehimitan yink kai hi hahi akepi yi mit. Maain yi wen eiriakem eiym menmen im eiyr ke hi hiriakem ehim han ekitet menmen in ek hi arekyiyem. ²⁵^mMar ke hirak kewetir niu o bret epei au, hira keit tipar wain mekre kap hirak ketpor kar ik: “Tipar wain im mekre kap hiram mehimitan him ham yaaim me God kewetiyem mamkepi hi anipem hiram mamikrit emriuwe hemkre mai mamwen. Yi yayim eiriak menmen im han ekitet menmen hi arekyiyem.” ²⁶Te maain wi kerek yi yayik niu o bret ketike tipar mekre kap yayir ke hirak kiriakem, yi yehimitan Kraiss kaa kakikepai haiu mit ere hirak pike kaknen.

^j 11:18 1Ko 1:10-12, 3:3 ^k 11:19 Diu 13:3; 1Jo 2:19 ^l 11:22 Je 2:5-6 ^m 11:25 Eks 24:6-8; Sek 9:11; Hi 8:8-13

Mit kerek newaank Komunion, hir niriak menmen enum

²⁷Mit miyapir han ne yi mit kerek hir naak bret o naam tipar mekre kap kerek mehimitan menmen Mitik Iuwe Kraiss kiriakem, te hir ap han ekitet menmen im werek werek, God katip hir niriak enum nenip hemkre metike yink ke Kraiss hiram mire menmen (enum) weinim. ²⁸Te mit miyapir eninin han ekitet menmen im werek werek mekre han kir enipir menmen enum te maain hir nanik niu o bret ketike tipar mekre kap nehimitan menmen Mitik Iuwe kiriakem. ²⁹Hir naninin nanriak menmen im nanintar mit miyapir kerek ap han kitet menmen mekre han kir werek werek, hir han kitet menmen Mitik Iuwe kiriakem hiram weinim, hir nanik niu o bret ketike tipar mekre kap te God han enuk kakriuwari kaknip. ³⁰Mit miyapir yapirwe ne yi mit yi yinap ap manpenun au, mit han ne yi mit epei naa nentar hir netikewi yaam niu metike tipar mekre kap te yi ap yinin han kitet menmen werek werek au. ³¹Haiu eminin han kitet menmen werek werek te maain mamim menmen me niu o bret metike tipar mekre kap, God ap han enuk kakriuwari kakiwep taau. ³²God han kitet menmen haiu miriakem, hirak kakwep haiu mit mamir ke haai kenep nikan kekepek kakimtau him mirak kakriuwarem. Hirak kiriak menmen im te maain haiu mamipir menmen enum mekre han kaiu ap te mami mamtike mit miyapir kerek nises menmen me ti.

³³Te nai yinan, yi yererik yayim menmen yi eimerir mit han naninin naninen te yi yayim menmen miutip han kakitet menmen Mitik Iuwe kerek yayem. ³⁴Mit han ne yi mit kerek yi ninpi miwei, yi yayinin yayim menmen yayit winak ki. Te maain yi eitike mit han einen eiyu eirerik eiyim menmen te God ap han enuk kakiwep me menmen yi yiriakem. Maain hi anen ari, te him nipaa yi yitauhiyem, hi hetpiyem me menmen im.

Him me menmen yaaim God Himin Yaaik kewetai haiu mit em

12 ¹Nai yinan, hi hanhan yi eiyirtei werek werek menmen God Himin Yaaik kewetaiyem (kerek nipaa yi yewis tiwei yitauhiyem.) ²Yi yertei nipaa yi ap yises him me Kraiss wen au, Seten kari han ki te yi yises han ki, yi yen yewenipi niuk me tipir kerek mit newis ninaan mau teinik. Te hiram ap mamitpi him taau. ³Nipaa Seten kari han ki te in ek hi hanhan yi eiyirtei menmen im werek werek. Mit miyapir kerek God Himin Yaaik kari han kir te hir newepyapir him ham natip nar ke profet, hir ap te nantip Jisas hirak enuk. Mit miyapir kerek God Himin Yaaik ap kakri han kir, hir ap te nanwepyapir him mirak nantip Jisas hirak Mitik Iuwe au.

ⁿ 11:27 Hi 10:29 ^o 11:28 Mt 26:22; 2Ko 13:5 ^p 11:32 Hi 12:5-6 ^q 12:2 Hab 2:18-19
^r 12:3 1Jo 4:2-3

⁴God ketenen menmen ham mirak yapirwe me haiu mit, te God Himin Yaaik kiutip kerekek hirak kakwetaryem. ⁵Haiu miriak menmen ham yapirwe me God, te hirak God kiutipen kerekek. Han en au. ⁶Haiu mit miriak menmen ham me God meriuwe menmen mirak iuwe, te God kerekek hirak kari han ke mit keriuwerem. ⁷God Himin Yaaik kewetai mit niutip niutip menmen mirak haiu mirem hiram ham ham. Te haiu emakaap mit miyapir yapirwe kerek nises God emriuwerem. ⁸God kewet mit han menmen ham, mit han menmen meiyam. God Himin Yaaik kari han ke Mit han te hir natip him yaaim me God hirak kewepyapirem. God Himin Yaaik kerekek kari han ke mit han keteiknor menmen God kakriakem te hir newepyapirem natip mit em. ⁹God Himin Yaaik kerekek hirak kari han ke mit han te hir nisesik nanriak menmen me God yaaim. God Himin Yaaik kari han ke mit han kekepi te hir nankaap mit miyapir ninap te hir nire yaain. ¹⁰Hirak kewet mit han menmen iuwe mirak te hir niriak menmen im: Mit han newepyapir menmen maain God kakriakem hir natip mit em. Mit han nertei menmen meke God man, o au en, menmen meke Seten enum man te hir han kitetim natip mit em. Mit han natip him ham nipaa hir nerteiyem au. Mit han neweikin him im newepyapir as o hir miram natip mit em.

¹¹God Himin Yaaik kiutip kerekek kewetai haiu mit em. Hirak kises han kirak kewen menmen yaaim im kewet haiu mit em.

Haiu mit yapirwe haiu mire pinak ke yink kiutip me Kraiss

¹²Haiu mertei yink ke haiu mit hirak kiutip te hirak pinak pinak. Haiu mit miyapir ne Kraiss haiu mire yink. Haiu yapirwe te haiu mau mire yink kiutip. ¹³Haiu mit han nimin ke haiu mit haiu ne Isrel. Yi mit han au yi ne Grik. Yi mit han yi yiriak menmen me mit kerek naanmipri yi yeit pewek mererim au, te haiu mit han haiu miriak menmen im ap mit han iuwe naanmiprai au. Haiu yapirwe mau niutip nipaa wi God Himin Yaaik kan kau kekre han kiau kerekyei haiu mit niutip. God keriuwet Himin Yaaik kiutip kan te hirak kaku kakikre han kiau haiu mamre niutip kerekek.

¹⁴Haiu mertei yink kiau hirak ap pinak kiutip kerekek au. Hirak kire yapirwe. ¹⁵Hit miutip me mitik hak hiram matip mar ik: "Hi ap pinak ke yink ke mitik ik hentar hi ap his mirak au." Hit mirak matip mar im hiram menmen weinim. Hirak wen pinak ke yink ke mitik ik. ¹⁶Nikip miutip me mitik hak hiram matip mar ik: "Hi ap pinak ke yink ke mitik ik hentar hi ap nanamir kirak au." Nikip mirak matip mar im hiram menmen weinim mentar hiram wen pinak ke mitik ik. ¹⁷Hi hetpi, yink kiau kire nanamir kerekek mamirkeik te haiu mamimtau menmen? Yink kiau kire nikip

^s 12:4 Ro 12:6; Ef 4:4 ^t 12:5 Ef 4:11 ^u 12:7 1Ko 14:26 ^v 12:10 Ap 2:4; 1Ko 14:5

^w 12:11 Ro 12:3; 1Ko 7:7 ^x 12:12 Ro 12:4-5; 1Ko 10:17 ^y 12:13 Ga 3:28

keremem, mamirkeik te haiu mamnim menmen a? Taauye! ¹⁸ God ap kiriak yink kaiu men niutip. Au, hirak kenip pinam maiu yapirwe kewisim kises han kirak. ¹⁹ Yink kaiu ken niutip keremem, haiu yink kaiu ap kaku werek werek au. Pinak kiutip kerekek. ²⁰ Yink kaiu hirak ap ken niutip au. Pinam pinam yapirwe, te yink kaiu hirak kire kiutip.

²¹ Tis, mitik nanamir kirak ap te kaktip his mirak kakir ik: “Ti menmen miutip hi ap hanhan heriuwit au, hi hau werek.” Paan ap kaktip hit kakir ik: “Ti menmen mamritwaank hi ap hanhan heriuwit au, hi hahu werek.” Hiram ap mamtip mamir im au. ²² Han ketike hiriu hiram mire weiwei, te hiram ap mau werek werek au haiu mami. ²³ Menmen ham me yink kaiu haiu han kitet hiram enum, haiu naanemprewem misawinem meriuwe klos. ²⁴ Menmen ham me yink kaiu ap te haiu mamsawinem au. God kiriak menmen te menmen ham me yink kaiu haiu han kitet hiram enum haiu mesisiwem meriuwe menmen yaaim te hiram minin menmen ham me yink kaiu. ²⁵ God kiriak menmen im te yink kaiu hirak ap kewep pinak pinak au. Hirak hanhan keriuwe hirekes. ²⁶ Henik kinakin his o hit maiu hiram mewewei, te yink kaiu ap kaku werek werek au. Mar im mitik kiutip kekere nimin ke haiu mit menmen mewanek, haiu nirak yinan han etweninek. O mitik ik kiriak menmen yaaim keit niuk iuwe, haiu nirak yinan haiu metikerek haiu han yaaik mamu.

²⁷ ²⁷ Yi yetikewei haiu mit haiu mire yink ke Kraiss. Haiu mit niutip niutip haiu mire pinak pinak ke yink kirak. ²⁸ God epei kehimitenai haiu mit han ne mit miyapir nirak haiu mar ik. Hirak kehimitenei haiu mit iuwe minin haiu mire aposel. Hirak kehimitan mit han iuwe nisisei hir nire mit profet hir natip mit him me Kraiss. Epei au, hirak God kehimitan mit han iuwe hir nises profet, hir nire tisa, hir natip mit miyapir him ham me God te hir nanu nanises God werek werek. Hirak kehimiteni epei au, hirak kehimitan mit han hir niriak menmen mirakel keteikin mit menmen iuwe God kiriakem, mit han hir nikaap mit miyapir hir ninap his hit enum te hir nire yaain. Mit han nankaap mit miyapir neiyen, mit han hir naanmipre mit miyapir me menmen. Mit han hir natip neriuwe him ham nipaa hir nerteiyem au.

²⁹⁻³⁰ Mit yapirwe kerek God kehimiteni hir ap nire aposel au. Mit yapirwe hir ap nire profet au. Mit yapirwe hir ap tisa. Mit yapirwe ap niriak mirakel meteikin mit menmen iuwe me God au. Mit yapirwe ap nikaap mit miyapir ninaap hir nire yaain. Mit yapirwe hir ap natip him ham nipaa hir ap nerteiyem au. Mit yapirwe hir ap neweikin him nipaa hir ap nerteiyem au. Au, God kewet mit menmen ham ham hir nisesim nanriakem nankaapan nanriuwere. ³¹ ^b Hi hetpi yi eiyyitehi God yi hanhan menmen iuwe me menmen God Himin Yaaik kewetai haiu mit

^z 12:27 Ro 12:5; Ef 5:30 ^a 12:28 Ef 4:11-12 ^b 12:31 1Ko 14:1

em hiram yaaim minin. Te in ek hi hetpi me menmen yaaim yi eiyisesim hiram minin menmen God Himin Yaaik kakweteiyem.

Him me haiu mit miyapir hanhan meriuwehan

13 ¹Haiu mit mertei him me mit nerer wit wit o haiu mertei him me mit ensel haiu metpim, te haiu ap hanhan meriuwe mit miyapir han mamrekyor yaaim, haiu enun weinin mar ke mitik hirak kiriak tukin te ap kertei weiwik mirak werek werek au. Haiu mamir ke mitik kau winak kiriak wekinp weinik ap kine henye keriuwerem au. ²Haiu mit mertei menmen me God te haiu mertei menmen nipaa God kisawinem ap keteikin mit em, te haiu mewepyapirem matip mit em, o haiu mertei menmen iuwe me God hirak kakikepai haiu matip miniu (o neyip) hirak ekinke te hirak kakises him mai kakinke, te haiu ap hanhan mit miyapir han, haiu enun weinin. ³Haiu mamwet mit miyapir enun ap netenen menmen auri, haiu mamwetir menmen maiu yapirwe te hir nanu werek, o haiu mewepyapir him yaaim me Krai mit enun nanriyei mamikre si tatwei haiu mami haiu mewisi hir nanrekyeyem, haiu ap te hanhan mit miyapir han mamrekyor yaaim, menmen im yaaim haiu miriakem ap mamkepei te God kaktip haiu yaain taau!

⁴Haiu hanhan meriuwe mit miyapir han, haiu mit yaain mamir ik. Haiu ap te mamine han enuk waswas au. Haiu mamtip mit miyapir him yaaim mamrekyor yaaim. Haiu ap yink enuk hemkre menepam meriuwe mit miyapir han. Haiu ap mamwenipi niuk maiu haiu iuwe au, haiu ap mit paan tokik au. ⁵Haiu ap mamriak mit miyapir hir yink enuk nanriuwe menmen haiu mamriakem au emit. Haiu ap mamri pewek o menmen ham mamtiwem yeunim o haiu meit menmen meit yaank haiu ap te mamim yeunim au emit. Haiu ap emihiak (o emihiyik) waswas au emit! Haiu ap han ekitet menmen enum mit nerekyeyem au emit. Haiu emit hiram menmen weinim. ⁶Haiu ap han yaaik me wi menmen enum mewaank mit han au emit. Haiu han yaaik meriuwe menmen yaaim keremem. ⁷Haiu mekintip ap mamtip emriuwe menmen enum yapirwe mamnen. Hekrit hekrit haiu han ekitet menmen yaaim me mit miyapir han. Haiu mamu han ekitet God kakrekyei menmen yaaim kakikepei, haiu emnakin tokim emu emriuwe menmen enum yapirwe mamnen.

⁸Menmen me haiu hanhan meriuwe mit miyapir han mamu mamit tipmain tipmain enum eik. Te maain wi ham mamnen te haiu ap mamwepyapir him God ketpeiyem haiu mamtip mit em. Maain haiu ap te mamtip him nipaa haiu ap merteiyem. Menmen in ek haiu merteiyem, hiram mamno mamit. ⁹Him im hiram yaaim mentar in ek haiu mertei him pinam me God keremem, te haiu matip mit em. Haiu ap mertei

^c 13:2 Mt 17:20 ^d 13:3 Mt 6:2 ^e 13:5 Fl 2:4 ^f 13:6 Ro 12:9 ^g 13:7 Ro 15:1; 1Pi 4:8; 1Ko 9:12

meiyam au. ¹⁰Maain wi kerek God kaknen kakwepyapir menmen yapirwe, menmen in ek haiu merteiyem hiram mamno mamit. Maain menmen meiyam yaaim mamikrehir me menmen im e. ¹¹Nipaa haiu mire nikerek kike, haiu han kitet menmen mar ke nikerek han kitetim, haiu matip mar ke nikerek netpim, haiu mertei menmen mar ke nikerek. Te in ek haiu mit iuwe. Haiu meweikin sip mewet menmen me nikerek hir niriakem, haiu mises menmen me mit iuwe hir nisesim. ¹²^hIn ek haiu mertei menmen me God kike mar ke mit miyapir nanir himin kir kekreglas enum tokim hapik mewim. Maain haiu mamno mamir God ninaan mirak, te haiu mamirteiyem menmen God han kitet hiram iuwe mamir ke in ek God kertei haiu mit niutip niutip werek werek. ¹³ⁱTe, yi han ekitet menmen im. Menmen im iuwe wikak mamu mamit. Haiu han kitet menmen God ketpaiyem. Haiu hanhan hirak kakrekyei menmen yaaim. Haiu hanhan mamriuwe mit miyapir han. Menmen miutip me menmen iuwe wikak im hiram minin. Hiram im: Haiu hanhan mit miyapir han.

Menmen God Himin Yaaik kewetaiyem hiram minin menmen ham

14 ¹^jYi mit miyapir en yi eiynin hanhan eiriuwe mit miyapir han. Menmen im hiram minin: Yi wen hanhan God kakweti menmen ham yaaim me God Himin Yaaik. Yi hanhan iuwe te God kakweti menmen te yi eitip mit him mirak yaaim. ²Mit nanpitip him kerek God Himin Yaaik kewetirem, te mit netariyem, hir ap nantip mit neriuwerem au. Hir nantip God kerekek nanintar hir mit han ap nanirteiyem menmen hir nanitpim. God Himin Yaaik kekepi te hir natip menmen me God nipaa hirak kisawinem. ³Hiram yaaim te mit kerek natip mit him me God, hir natip mit en. God au. Hir netpor nankepi nanises him me God nanrekyor hir han yaaik nanu. ⁴Mit kerek nantip him ham kerek God Himin Yaaik kewetirem, hir nantip menmen nankaap hiras keriyen. Te neimin hir nantip mit miyapir him me God eim, hir nankaap mit miyapir ne weiwik me God nanriuwerem. ⁵^kHi hanhan yi yapirwe yaitip him ham mit nepitariyem kerek God Himin Yaaik kewet haiu mit em. Te hi hanhan wisenum te yi eiypor him me God. Mit kerek hir natip mit him me God, him mir minin him me mit kerek natip him ham me God Himin Yaaik kewetirem, te hir mit han ap nanu nanweikin him nanwepyapir menmen hir netpim. Mit han hir nanu nanweikin him nanwepyapir menmen im te mit miyapir ne weiwik me God nanirteiyem werek werek. Im yaaim mire mit kerek natip mit miyapir him me God nikaap mit miyapir neriuwerem. ⁶Nai yinan, maain hi anen ari te hi etpi him ariuwe him ham God Himin Yaaik kewetewem yi yepitariyem, hi ap akepi ere hi eweikin

^h 13:12 2Ko 5:7; Je 1:23 ⁱ 13:13 1Te 1:3; 1Jo 4:16 ^j 14:1 1Ko 12:31, 14:39 ^k 14:5 Nam 11:29

him aweypyapirem hetpiyem. Hi etpi him me God me him yi yetpim, yi eiyirteiyem werek werek, o hi etpi menmen maain mamnen, menmen im yi eiyimtwem hiram mamkepi yayises God werek werek.

Haiu emtip him me God mamriuwe him haiu yapirwe merteyem

⁷Menmen mire tukin o wekinp hiram han kewim au. Hiram mire mitik katip keriuwe him ham. Mit ap niriak tukin o wekinp nine henye mei werek au, mit nepitari menmen hiram tukin o wekinp metpim. ⁸Mit ap niriam tukin werek werek au, nanirkeik te mit hir nanirtei nanino naninepan a? Taauye! ⁹Menmen yi mit yiriakem hiram mepir keremem. Yi eitip mit eiriuwe him ham God Himin Yaaik kewetiyem, hir mit nemtwem hir nepitariyem. Yi yayitpor menmen, te him epei au men. ¹⁰Mit nerer wit wit natip him ham him ham. Hir ap natip him weinim au. Hir netike mit newepnak neriuwerem. ¹¹Hi ap hertei menmen werek werek kerek mitik hak ketpewem, te hirak han kitet hi mitik ke wit hak, hi han kitet hirak ke wit hak, hawir ap wewepnak au. ¹²Te hi hetpi menmen im. Yi hanhan yayit menmen ham ham kerek God Himin Yaaik kakwetiyem. Te yi eiyinin hanhan eiyit menmen yaaim God Himin Yaaik kakwtai haiu mit em hiram mamkaap mit miyapir ne weiwik me God te hir nanisesik werek werek. ¹³Te mitik kerek katip keriuwe him ham me God Himin Yaaik kewetiwekem, hirak ap kerteiyem, hirak ekitehi God ekikepik hirak ekirtei him hirak epei ketpim te hirak kakwepyapirem katip mit em. Hirak kakriak menmen im kakintar him im hi hetpiyem. ¹⁴Hi hitehi God hi ewenipi niuk mirak heriuwe him ham hi hepitariyem kerek God kewetewem, himin kai ketike God tewepnak, te han kai au kau weinik. ¹⁵Te hi ariak menmen im. Hi ehitehi God eriuwe himin kai ketike han kai, hi tewen aine henye ariuwe himin kai kaktike han kai. ¹⁶Yi eiyitehi God yi eiwenipi niuk mirak eiriuwe him ham mit ap nerteiyem au, nanirkeik te hir nanirtei him yi yetpim a? Hiram yaaim te hir nantikewi nanwenhiyem a? Taauye! ¹⁷Yi epei yatip God him yaaim yewenipi niuk mirak te yi ap yikaap mit kerek nemtau him mi yeriuerem au. ¹⁸Hi Pol hi hetenen menmen God Himin Yaaik kewetewem. Hi han yaaik heriuwe God hentar hi hinini hi atip God menmen heriuwe him ham hi ap herteiyem kerek nipaa hirak kewetewem.

¹⁹Te wi kerek hi hau hetike mit miyapir ne weiwik me God, haiu mererik mewenipi niuk mirak, hi hinin hanhan atip mit menmen kike ariuwe him haiu yapirwe merteyem te hiram mamkepi hir nanu werek. Hi hinapen etpor menmen yapirwe ariuwe him ham hir nepitariyem au emit! Hiram ap mamkepi au.

¹ 14:15 Ef 5:19

²⁰ ^mNai yinan, yi ap eire nikerek eiriuwe menmen yi han kitetim au emit. Yi eire mit iuwe. Me menmen enum mit nisesim yi eiweikin sip eiwetiwem eitariyem eiyr ke nikerek kike miyerer ninani. Te menmen yaaim yi han ekitetim werek werek eiyr ke mit miyapir iuwe. ²¹ ⁿHim me God mau tiwei nipaa profet Aisaia kewisim hiram matip me mit miyapir natip him ham mit netariyem mar im:

“Mit ne wit netike mit han ap ne wit hir nantip mit in nanriuwe him ham hi God awetirem.

Hir nanwepypir him mai nantip mit em te hir ap nanisesim au.”

²² Te him ham im kerek God Himin Yaaik keweteiyem, hiram mamkaap mit ap nises him me God te hir hanhan nanimtwem. Mit epei nises him me God hiram mamkepi au. Him me God ham mit natip mit han em hiram mamkaap han ke mit ap nisesik au. Hiram mamkaap han ke mit kerek nisesik keriyen. ²³ ^oMit miyapir ne weiwik me God nanrerik nantip nanriuwe him ham hir nepitariyem kerek God Himin Yaaik kewetirem, maain mit kerek ap nises him me God o mit ap nertei menmen im, hir naninen nanimtau menmen yi eiypim, hir nepitari menmen yi yetpim te hir han kitet yi enun yire mit han kir enuk. ²⁴ ^pTe mit miyapir nererik natip mit him me God, maain mit kerek ap nises him me God o mit ap nertei menmen im hir naninen nimin nanu nanimtau menmen yi yetpim, hir nanirtei him im te menmen im mamrekir han kir te hir nanirtei hir hiras mit enun. ²⁵ ^qHim me God im mamket menmen enum mekre han kir hir han kitetim te hir newen ninip nanwenipi niuk me God nantip nar ik: “In ek hi hertei God kau kekere nimin ke yi mit.”

Yi eiwenipi niuk me God yi eiyses menmen yaaim

²⁶ ^rNai yinan hi hetpi yi eiriak mekam a? Wi kerek yi yererik yewenipi niuk me God yi eiyses menmen werek werek. Mitik hak kine henye, mitik hak ketpi him, mitik hak kewepypir him ham God epei ketpiwewem, mitik hak katip him ham hirak nipaa ap kerteiyem au. Mitik hak keweikin him im ketpi menmen me mitik hak epei ketpim em e. Yi niutip niutip eiriak menmen im yapirwe te hiram mamkaap han ke mit miyapir te yi eiyses him me God werek werek. ²⁷ Mit miyapir han ne yi mit hir nepu hir nantip him ham kerek mit nepitariyem, yi eiwis wik o wikak nanitpi him im keremem. Hir ap nantip him nanre yapirwe au emit! Mitik hak kaktip him mirak, mitik keiyak kakwepypir menmen hirak ketpim. Epei au, mitik hak kakitpi kakriuwe him mirak

^m 14:20 Ef 4:14; Fl 3:15 ⁿ 14:21 Ais 28:11-12 ^o 14:23 Ap 2:13 ^p 14:24 Jo 16:8

^q 14:25 Ais 45:14; Sek 8:23; Jo 4:19 ^r 14:26 1Ko 12:8-10; Ef 4:12

ham. ²⁸Mit han ap nepu kerek nanwepyapir him kerek mit han netpim, hir ap te nantip him im mekre nimin ke yi mit miyapir kerek yererik yewenipi niuk me God au emit! Hir keriyen nantike God nantip nanikre han kir. ²⁹Yi eiwis mitikit wik o wikak kerek hirakit tire profet hirakit tatwepyapir him God ketpiwekitem. Hirakit tatwepyapir him me God, te yi mit han yi han ekitet him im hirakit tewepyapirem hiram yaaim o au enum. ³⁰Mitik hak kau yeno kekere nimin ke yi mit, God ketpiwek menmen, hirak ap ekmerir mitik hak ketpim au, hirak ekikrit ekno ekikrehir kirak ekitpim. ³¹Mar im yi eiwepyapir him me God eitip mit em eire kiutip kiutip te yi mit miyapir yapirwe yau en yi eiyimewem werek werek, hiram mamkepi han ki te yi eiyu werek. ³²Mit miyapir kerek hir nire profet hir newepyapir him God ketporem, hir naanmipre han kir me menmen. Han ap naanmamror au. Hir mit keriyen, te hir naanempre han kir me menmen God ketporem. ³³Hir enriak menmen im enintar God hirak ap kaknip han ke mit nererik nemtau him mirak te hir han kakitet menmen heriyai heriyai nanitpim au. Hirak kaknipai haiu mit mamu han kiutip mamises him mirak.

Wi kerek yi mit miyapir ne God yererik yewenipi niuk me God yi eriak menmen mar im. ³⁴Yi yairerik yaiwenipi niuk me God, miyapir ap te nantip menmen au, emit! Hir nankintip nanu nanises him me mit nir nanir ke him me God mau tiwei metpim. ³⁵Miyapir hanhan nanirtei him me menmen werek werek kerek mit netpim, hir ap nanitehi mit in me menmen neit wit kerek hir newenipi God au emit! Menmen im enum. Maain hir nanu winak kir, hir nanitehi mikan nir me menmen hir nanitporem werek werek. ³⁶Yenmak yi eiriak menmen im mar ke hi hetpiyem a? Yi han kitet God him mirak hiram mekrit meke wit Korin man a? O au en, yi han kitet him me God man yi mit miyapir keriyen te yi eiyises han ki me menmen yapirwe a? Taau! Yi ap yertei menmen yapirwe me God te yi eiyimtau menmen hi hetpi yi eiyisesim. ³⁷Mit han nekre nimin ke yi mit hir han kitet God epei kewetir menmen mirak iuwe o hir nire profet newepyapir menmen God ketporem, hir nanwenhi menmen hi ewisiyem hiram menmen Mitik Iuwe Kraisi katip haiu emisesim. ³⁸Mit kerek ap han kitet menmen hi ewisiyem hiram him me God, haiu ap han kitet hir nire mit profet newepyapir natip menmen God ketporem. Au, hir mit enun netari menmen. ³⁹Te nai yinan, yi hanhan iuwe te yi eire profet te yi eiwepyapir eitip him God ketpiyem yi eitip mit em. Te yi eiriak menmen mar im keremem au. Yi ap eiwen mit kerek nanitpi him ham yi yepitariyem au emit! ⁴⁰Te menmen yi yiriakem me wi yi yererik yiriakem, yi yises menmen yaaim yi yiriakem.

^s 14:29 Ap 17:11; 1Te 5:21 ^t 14:34 1Ko 11:3; 1Ti 2:12; Ta 2:5 ^u 14:37 1Jo 4:6 ^v 14:40 Kl 2:5

Krais nĭpaa kaa, God pike kikiak kekrit kau

15 ¹Nai yinan, in ek hi hanhan ekeyi han ki me him yaaim me Krais nĭpaa hi hetpiyem kerek yi yemtewem yi yisesim werek werek. ²Him hi nepei netpiyem yi yisesim werek werek mar ke nĭpaa hi hewepyapir hetpiyem, hiram mamkepi yi yayises God werek werek yi ap yayiwaank, o au en, taau!

³Hi hetpi him im hiram menmen iuwe minin kerek nĭpaa God ketpewem hi hemtewem. Him miram im: Mitik Krais kaa te kakisak menmen enum haiu miriakem, kar ke him me God mau tiwei nĭpaa metpim hirak kaknen kaki. ⁴Hirak kaa epei au, mit han newisik kekre hei ke han hirak kinik miniu (o neiyip) Hirak kiwaai kekrerek me wi wikak epei au, God kikiak kekrit kau kar ke him me God mau tiwei metpim. ⁵God kikiak kekrit kau epei au, hirak kewepyapir hirekes te Sifas (Pita) kinin kirek. Hirak kirek epei au, mit han disaipel hir nirek. ⁶Hir nirek epei au, mit miyapir nar 500 hir nirek. Mit miyapir in nĭpaa ere in hir nisesik. Mit yapirwe wen nau ti, te mit han niutip niutip epei naa. ⁷Hir nirek epei au, hirak Jems kirek. Hirak kirek, te mit aposel yapirwe hir nirek.

⁸Maain hi hirekes hikaru, hirak kan te hi hirek. Hi hire mitik enuk hi hirek. ⁹Hi hire mitik enuk weinik hekre nimin ke mit aposel, hi hire hikaru. God kehimitena hi hire aposel te hi ap yaaik au! Nĭpaa hi hewaank mit miyapir kerek nises him me Krais. ¹⁰In ek hi hire mitik yi yira te yi yerteiya hentar menmen yaaim God kerekyewem kekepa keriuwerem. Hirak ap kerekyewem weinim au. Mit aposel hir niriak menmen yaaim te hi hinini heriuwe menmen hi hiriakem me God. Te hi hirekes ap hiriak menmen im au. God kekepa te hi hiriak menmen hiram mire yaaim. ¹¹Mit han aposel hir netpi him me God o hi hetpi him me God hiram weinim. Menmen iuwe hiram mar im: Haiu aposel metpi him me Krais mipiram, te yi epei yisesim.

Haiu mit yapirwe mami te maain God pike kakikekyei haiu mit

¹²Haiu matip mit him me Krais kaa te God pike kikiak kekrit kau. Te yi mit han niutip niutip yekre nimin ke yi mit yapirwe, yi yenmak te yi yatip mit kerek nĭpaa hir naa, maain hir ap pike nanikrit au? ¹³Mit hir naa pike nanikrit au, te hiram mar ke God ap kikiak Krais hirak kekrit kepu au.

¹⁴God ap kikiak Krais hirak pike kekrit kau au, te haiu mit metpi him enum weinim te yi yises him weinim. ¹⁵^dYi yises him weinim te haiu mit

^w 15:3 Ais 53:8-9 ^x 15:4 Mt 12:40; Ap 2:24-32 ^y 15:5 Lu 24:34; Mt 28:16-17 ^z 15:7 Lu 24:50 ^a 15:8 Ap 9:3-6; 1Ko 9:1 ^b 15:9 Ef 3:8; 1Ti 1:15; Ap 8:3 ^c 15:10 2Ko 6:1, 11:5, 23
^d 15:15 Ap 1:22, 4:33, 5:32

enun memitipin metpi menmen me God haiu merekyi enum matip hirak epei kikiak Krai kerek nipaa kaa, hirak kekrit kau. God ap kikiak Krai te maain hirak ap te kakikaan mit kerek epei naa. ¹⁶Mit hir naa pike nanikrit au. Te God ap kikiak Krai hirak pike kekrit kepu auye! ¹⁷God ap kikiak Krai te yi yises him mirak weinim. God ap kesak menmen enum mi yi yire mit miyapir yaain au. Yi enun. ¹⁸God ap kesak menmen enun haiu mit miriakem, te mit kerek nipaa nises him me Krai kerek menmen enum mau han kir, hir nantike God nanu nanit au. ¹⁹Haiu mire mit kerek nises him me Krai me wi haiu mau ti in hirak kekepai, te maain haiu mami God ap kakikepai pike kakikekyei haiu mamikrit, te mit nau ti in han kitet haiu enun metaritari hir han etweninei wisenum.

²⁰Te him im hi nepei hetpim hiram au. God epei kikiak Krai hirak pike kekrit kepu. Hirak kekrit kinin mit miyapir yapirwe naa kerek maain God pike kakikian. ²¹Menmen hi hetpiyem hiram yaaim hentar menmen im. Mitik kiutip Adam kiriak menmen enum kenip haiu mit miyapir yapirwe haiu mami. Mar keremem te mitik kiutip Krai hirak kaknipai haiu mit kerek mami haiu pike mamikrit kakintar hirak pike kekrit kau. ²²Haiu mit yapirwe mami mentar haiu nepenyerer ne Adam. Mar keremem te haiu mit kerek haiu ne Krai, maain haiu mami te God kakikekyei haiu mit. ²³Haiu yapirwe mami, maain haiu pike mamikrit mamu me wi God kemeteiyem. Krai hirak kinin kekrit kau. Maain wi kerek hirak pike kaknen kakwepyapir hirekes, God kakikian mit kerek epei nisesik hir mit nirak.

²⁴Me wi im menmen yapirwe maain tewen mami mamit. Wi kerek Krai kakinin kakiwaank menmen me gavman metike menmen me mit iuwe, netike menmen mir iuwe, hirak kakwis God kakinin menmen yapirwe. ²⁵Krai hirak kakinin naanmamre menmen yapirwe ere God kakinin mit enun nepan nirak. ²⁶Hirak kakinin menmen enum yapirwe, maain menmen kerek menip haiu mit metike menmen yapirwe mami, God kakiwaankem hiram mamit, te haiu mamu mamit. ²⁷Him me God mau tiwei hiram matip mar im: "God kinin menmen yapirwe hiram mamises han ke Krai." Him im kerek matip "Menmen yapirwe" hiram ap matip me God hirekes au. Hirak kakinin menmen yapirwe kerek in ek mamises han ke Krai. ²⁸Maain God kakinin menmen yapirwe mamises han ke Krai, te Krai hirak Nikan ke God, hirak kakwis God hirekes kakinin kakintar nipaa God kekepkik kinin menmen yapirwe. Hirak kises han ke God epei au, te God hirekes kakinin haiu mit yapirwe.

²⁹Him im hi hetpiyem me maain God kakikian mit miyapir kerek epei naa, hiram enum hi emitipin heriuwerem, mit nenmak te hir newis

^e 15:20 Kl 1:18 ^f 15:21 Ro 5:12, 18 ^g 15:23 1Te 4:16; Rev 20:5 ^h 15:25 Mt 22:44

ⁱ 15:26 Rev 20:14, 21:4 ^j 15:27 Sam 8:6

mit han hir nikiri neriuwe tipar mamkaap mit miyapir hir epei naa a? Hir han kitet menmen enum hir niriakem. ³⁰ ^kHim im hiram enum me nemitsetpin keremem, menmak te haiu mit in hekrit hekrit mamwis menmen enum mamnen menep te mamraiwaank a? Au! Haiu emweikin sip emwet him me God im emrir. ³¹ ^lNai yinan, hi hetpi hekrit hekrit hi hiriak menmen me God te menep hi hahi. Menmen hi hetpiyem hiram yaaim mar ke him hi hetpiyem in ek. Hi han yaaik heriuwi hentar yi ne Krai Jisas kiau Iuwe. ³² ^mGod ap kakikoya te hi hiriak menmen im weinim. Nipaa hi heit wit Efesas hi etike mit hir enun nire sak mit hir nakip hennik ketuk, haiu menehan te menep hir naniyep hi hahi. God ap te kakikekyei haiu mit te him im nipaa mit netpim haiu emisesim hiram mire yaaim. Hiram matip, “In ek haiu mamim menmen metike tipar si enum ere haiu han yaaik iuwe mamantar maain haiu mami.”

³³ Yi ap eiwis mit han nanmitipin nanriuwe menmen hir netpiyem. Yi eitike mit enun eikiyan eiwepnak, hir naniwaank han ki me menmen yi yisesim me God pike kakikekyei haiu mit. ³⁴ ⁿYi han ekitet menmen werek werek eiweikin sip eiwet menmen enum. Mit han en yi mit ap yertei God yisesik au. Hi hetpi him im hiram merekyi yink enuk te yi eiweikin sip pike eiyses him yaaim.

Maain God kakikiak yink kiau hirak kakweikin kakre yaaik

³⁵ Mit han nitauhi menmen im: “Mamerkeik te God kakikian mit nipaa naa? Hirak kikian mit epei au, hirak kakwetir yink kakre mekam?” ³⁶ ^oMit nanitauhiyem te hi etpor ahir ik: Ti mitik enuk hepitari menmen im. Yehes me rais ti emir emit ni ap te mamwo ere haas miram mamisine te hiram mamwo. ³⁷ Yehes me rais kerek yi yamir mekre ti hiram yehes weinim me rais o menmen ham, te hiram ap haas metike nikum keremem maain mamwo au. ³⁸ ^pGod kewet rais yehes hiram mewo mire menmen ham hirak hanhan kenipem. Menmen yapirwe ap mewo mipiram au. God kehimitanem hiram mamwo mamre menmen ham. ³⁹ Yink yapirwe hiram ap miram au. Yink ke mit miyapir hirak hak. Yink ke samiyak hirak hak. Yink ke hore hirak hak, yink ke saauk hirak hak. ⁴⁰ Menmen yapirwe mau nepni, menmen ham mau ti. Menmen mau nepni hiram yaaim te hiram meweikin me menmen ham yaaim mau ti. ⁴¹ Wepni hirak kir kipre hak, wenke hirak kipir kipre hak, hir me witaan hiram mipir ham. Nimin ke hir yapirwe, ham mir iuwe, ham au mir kike.

⁴² Yink kiau maain God kakikiak hirak kakir ke menmen hi nepei etpiyem. Yink kiau hirak kire yehes. Yink kiau maain hir nanwisik kakikre hei, hirak kaknin kakisine kakit. Te yink kiau kerek God kakikiak, hirak ap te kakisine kakit au. ⁴³ ^qYink kerek maain mit

^k 15:30 Ro 8:36 ^l 15:31 2Ko 4:10-11 ^m 15:32 Ais 22:13; Lu 12:19-20 ⁿ 15:34 Ro 13:11; Ef 5:14; Ap 26:8; 1Ko 6:5 ^o 15:36 Jo 12:24 ^p 15:38 Jen 1:11 ^q 15:43 Fl 3:20-21

nanwisik kakikre hei hirak menmen enuk weinik kerekek. Te yink maain kerek God kakikiak hirak kakre yaaik. In ek yink hirak kaknap te hirak ap mampenuk. Maain hirak kakre manpenuk wisenuk. ⁴⁴Yink kiau kerek maain mit nanwisik kakikre hei, hirak menmen me ti kerekek.

Maain yink kiau God kakikiak, hirak kakweikin kakre hak yaaik kerek kakikaap himin kiau kaku werek kakikrerek. Yink ke hirak kepu, te haiu mertei maain haiu mamit yink hak kakikaap himin kiau hirak kaku. ⁴⁵Him mau tiwei me God mit newisim hiram matip mar im. Hiram matip me Adam, “God kiriakek hirak kepu.” Te Krai hirak kire Adam, hirak kikaru kan kewet haiu mit Himin kirak, haiu mamu mamtikerek. ⁴⁶Haiu eminin emu ti ik emriuwe yink kerek God naanmiprewek au. Yink ke ti kerekek. Maain God kakweikin yink kiau te God Himin Yaaik hirak naanmamrai yink kiau. ⁴⁷God kiriak mitik Adam kinin kau ti hirak yink kirak ke ti. Te Mitik Krai kerek kikaru kan, hirak keke wit ke God kan. ⁴⁸Hir mit miyapir nau ti hir nepenyerer ne mitik Adam kerek nipaa God kiriakek ke ti te hir nar ke hirak kerekek. Maain hir mit miyapir kerek nanu wit ke God, hir nanweikin nanir ke Mitik Krai hirak nipaa keke wit ke God kan hir nanir ke nepenyerer nirak. ⁴⁹Yink kiau ik hirak kar ke mitik Adam kerek nipaa God kiriakek ke ti, te maain yink kiau kakweikin kakir ke Krai kerek nipaa keke wit ke God kan.

⁵⁰Nai yinan hi hetpi menmen im. Yink kiau God kiriakek ke ti ap te kaku kakit wit kirak au. Menmen kerek maain kakisine ap te kakno wit kerek menmen ap mamsine au. ⁵¹Yi eyimtau him im hi hetpiyem me menmen nipaa mit hir nerteiyem au. Mit han nekre nimin ke haiu mit kerek mises him me Krai mau ti, hir ap te nani taau. Te God kakweikin yink kir waswas. ⁵²Wi mitik ensel kaktenuwo taur kirak kehimitan wi me ti nepei mesi, God kakweikin yink kir waswas kakir ke mitik nanamir hei mewen. Mitik ensel kaktenuwo taur kirak epei au, God pike kakikian mit kerek nipaa naa, hirak kakweikin yink kiau, te haiu ap pike mami taau. ⁵³Hirak kakweikin yink kiau kakintar yink kiau maain kerek haiu mamnap mami hirak ekweikin ekre yink ap te haiu mamnap o mami. ⁵⁴Maain God kakweikin yink kiau kerek kaknipai haiu mamnapo mami, hirak kakweikin kakre yink yaaik ap te kaknipai haiu mamnap o mami au. Te him me God nipaa mit newisim mau tiwei mamnen. Hiram matip mar im:

“God epei kinin menmen enum menip haiu mit miyapir yapirwe haiu mami.

^r 15:45 Jen 2:7; Jo 6:63; 2Ko 3:6, 17 ^s 15:47 Jen 2:7 ^t 15:50 1Ko 6:13 ^u 15:51 1Te 4:15-17 ^v 15:52 Mt 24:31 ^w 15:53 2Ko 5:4 ^x 15:54 Ais 25:8

55 ^yIn ek menmen enum hiram menipai haiu mit miyapir
mamiwaank, hiram epei au enum mire henmik kewen.

Menmen enum hiram menipai haiu mami hiram epei au mesi.”

56 ^zMenmen enum mekre han kaiu mamnipai haiu mami. Him me God mau tiwei nipaa Moses kewisim hiram mikiam menmen enum mekre han kaiu, menipai haiu miriak menmen enum te haiu mami. 57 ^tTis, haiu emtip God hirak yaaik kentar hirak keriuwet Jisas Krais kaiu luwe hirak kinin menmen enum mekre han kaiu menipai haiu mami. Te haiu ap mami mamit au, haiu pike mamikrit mamu.

58 ^aTe nai yinan yaain yi han tokik eiyu ap eiwis him ham enum memipin mamri han ki. Yi ap einapen eiriak menmen me Mitik luwe Krais hekrit hekrit au emit eiyintar yi yertei menmen yi yiriak Mitik luwe em, hiram ap weinim au.

Him me pewek mit ne Korin nantiwem nanwet mit miyapir han em

16 ^{1 b}In ek hi ewisi him me pewek kerek yi hiras yewisim miwaai niutip. Te yi eiwet mit miyapir han kerek hir nises God neit provins Judia yi eiwetirem. Hi ewisiyem entar yi epei yitauhiyem. Yi yises menmen hi epei atip mit nises him me God neit provins Galesia em. ²Me wi Sande miutip miutip yi mit miyapir yapirwe niutip niutip eiremir pewek pinam me menmen God kekepi yi epei yetiwem me menmen yi yiriakem. Yi eiremir pewek im eiwisim emwaai niutip te maain wi kerek hi anen etiwem, yi ap eino ein eino ein eiriyam me mit miyapir en au emit! Hiram menmen yi epei yewisim hiram emwaai emimeriyo. ³Maain hi anen hi awis tiwei keiyak kakikaap mit ne Jerusalem hir nanirtei yi neimin, hi awet mit kerek yi yehimiteni hir nantiwek kaktike pewek mi, hi ariuweti hir neiyim enino wit Jerusalem. ⁴Maain hi anen hi han kitet hiram yaaim te hi ano Jerusalem hir nantikewa haiu emriyan emno.

Pol hanhan kaknen kakir mit miyapir ne wit Korin

⁵Hi ehinin ano provins Masedonia. Hi hen en apeu au, te hi pike anen ari yi mit miyapir en. ^{6 d}Hi anen ehu etikewi wi mei yapirwe au en, hi ehu wi ere hawi hitan epei au. Hawi hitan epei au, yi eikepa eiriuweta hi ano wit keiyak hi hanhan anori. ^{7 e}In ek hi hinapen anen ari me wi hi ano wit hak menep entar hi ehu etikewi wi mei kike au emit. Maain mitik luwe Krais kakwisa hi anen ehu etikewi wi mei yapirwe. ⁸Te in ek hi ahu in heit wit Efesas ere maain wi haiu mit ne Isrel menewem Pentikos hiram mamnen. ^{9 f}Hi wen ahu in entar

^y 15:55 Hos 13:14 ^z 15:56 Ro 6:14, 7:13 ^a 15:58 2Kro 15:7; Rev 14:13 ^b 16:1 Ro 15:25-26; 2Ko 8:1-9; Ga 2:10 ^c 16:5 Ap 19:21 ^d 16:6 Ro 15:24; Ta 3:12 ^e 16:7 Ap 18:21
^f 16:9 Ap 19:8-10; 2Ko 1:12; Kl 4:3; Rev 3:8

Mitik Iuwe hirak kiriak menmen yapirwe yaaim epei man mamwisai haiu mamtip mit him mirak hir nanisesim. Te mit enun han ninapen him me God hir nau in nanraiwaank menmen haiu matip mit miyapir em.

¹⁰ ^gMaain Timoti hirak kaknen yi naanemprewek werék werék, te hirak ap kakneini au. Hirak eku werék ektikewi. Hi hetpi him im hentar Timoti ketikewa hawir wiriak menmen me Mitik Iuwe hiram mipiram. ¹¹ ^hYi ap eineinik einan yipir eiwirek yi han kitet hirak mitik weinik au emit! Yi eikepik te hirak pike kaknen eku werék werék ekintar hi etike nau yinan han in haiu mameriyiwék hirak kaknen. ¹² ⁱIn ek hi etpi me Apolos. Hi epei hetpiwék him iuwe hirak ektike nau yinan han in hir nanriyan nanino nanri. Te hirak au kinapen. Hirak katip kar ik: “Hi ap te in ek ano au. Maain God kakwisa hi anen, te hi anen ahiri.” Te hi hetpi, maain hirak kaknen.

Him ham pinam hiram mikaru

¹³ ^jYi naanempre hiras te yi eiyises him me God werék werék. Yi eire mit iuwe han tokik (o einakin tokim) eiyu me menmen enum mamnen mamriwaank. ¹⁴ Menmen yapirwe yi yiriakem eiyintar yi hanhan eiriuwe mit miyapir han eikepi eiriwerem. ¹⁵ ^kNai yinan, yi yertei menmen im. Mitik Stefanas ketike mite nikerek nirak hir nemtau him me God hir ninin nisesim nekre nimin ke yi mit miyapir yapirwe nau neit provins Akaia. Hir epei nises han kir nen nikaap mit miyapir kerek nises him me God. Te hi hitihi him iuwe yi mit miyapir en. ¹⁶ ^lYi eiyimtau him mir metike him me mit hir nekepi niriak menmen iuwe mar em. ¹⁷ Hi han yaaik hentar Stefanas, Fotyunetas, tetike Akaikas epei tan tira. Hirakit tan tekepa teriuwe menmen yi ap yekepa yeriwerem yentar hi ap hau hetikewi. ¹⁸ ^mHi han kitet hirakit terekyi yi han yaaik yar ke hirakit epei terekyia hi han yaaik. Yi han ekitet mitikit tar ik hirakit mitikit iuwe. ¹⁹ ⁿMit miyapir kerek nises him me God neit provins Esia hir nesiuwe him netpi, “Yi yaain.” Akwila ketike mite pirak Prisila hir netike mit miyapir han kerek nises him me God nererik neit winak kir in, hir yapirwe nesiuwi him netpi, “Yi yaain.” ²⁰ ^oNaiu yinan yapirwe in hir nesiuwi him netpi, “Yi yaain.” Wi kerek yi yererik yi eitipan yi eiyewewan eiyir ke mit yaain ne God niriakem.

^g 16:10 1Ko 4:17 ^h 16:11 1Ti 4:12 ⁱ 16:12 1Ko 1:12, 3:6 ^j 16:13 Sam 31:24; Ef 6:10

^k 16:15 Ro 16:5; 1Ko 1:16 ^l 16:16 1Te 5:12 ^m 16:18 Fl 2:29 ⁿ 16:19 Ap 18:2, 18, 26; Ro 16:3-5 ^o 16:20 Ro 16:16; 2Ko 13:12

²¹ ^pIn ek hi Pol hirekes hewis him mai yinam im mau tiwei men yi mit miyapir hi hetpi, “Yi yaain.” ²² ^qMit miyapir han en kerek hir ap hanhan neriuwe Mitik Iuwe Krai hir nemipin hir han kitet maain hirak kakiwaanki. Mitik Iuwe kiau Yaaik Krai, ti enen.

²³⁻²⁴ Hi hanhan Mitik Iuwe Krai kakrekyi menmen yaaim. Hi hanhan yi mit miyapir yapirwe en hentar hiau ne Krai Jisas.

Mepir keremem